

直隸霍州志卷二十三

人物

本州

賢哲

唐

高士廉名儉以字顯齊清河王岳之孫父勳封樂安王入隋爲洮州刺史士廉佐太宗有大功圖形凌煙閣涉古今通政事臨難守節當官無黨立朝獻納縉紳莫不屬目雅負裁鑒又嘗奉詔定山東氏族志累官

直隸霍州志

卷二十三

人物

一

至尚書左僕射卒封申國公贈司徒并州都督諡文獻陪葬昭陵今按唐書士廉渤海蓊人州之鄉賢祀之非例也而正祀考從之又謂州東庫拔村公墓在焉向疑士廉陪葬昭陵墓安得在此今考之乃知爲士廉後裔繼嵩墓耳

宋

高繼嵩字維嶽士廉後父文岷始爲晉州衙校以計破叛羌完城歸宋太宗嘉歎委以邊任終汝州防禦使累贈定國軍節度使維嶽卽定國第三子也以將家

子結髮從戎歷任俱在邊要龍圖閣學士以曉暢軍機諳練邊事薦大臣范文正公韓魏公亦力引之仕至保州刺史卒歸葬平陽霍邑縣永太鄉庫拔村其戰功治狀詳具王邇所爲神道碑銘

見藝文

金

賈邦獻陳村人進士任霍邑縣令質直有勇畧元攻河東集居民爲守禦計旣而兵大至居民悉降公棄其家獨與子懿保於松平寨是時權知州事劉珍在寨與之共守竟能成功珍每欲辟之輒以衰老爲辭興定四年十月兵復大至病不能避與懿俱被執脅之以刃欲以爲鎮西元帥邦獻不屈密遣懿歸松平遂自剄贈奉直大夫本縣令

元

王得貞字義方進士至大間大中大夫懷慶路總管能詩善草書至正間掃地王賊兵過被執不屈死贈河

東宣尉司使

舊志作封榮祿大夫河南司使

邢飛翰以薦爲內臺御史性剛果伯顏專政公面質其非參議佛家驢姦邪復廷劾之後以兩淮鹽運同知

致仕元末兵亂被執不屈死追封工部尚書諡忠毅
李榮祖靳壁村人敦儒行至正間爲吏仁慈愛下長於
剖決民爲之立去思碑陞總管以都轉鹽運使司同
知致仕贈上騎都尉封隴西郡伯孫智有祖風仕晉
寧路總管

賀方三教村人幼聰慧日誦數千言人呼小學士隨父
宦遊江南後至京師入監由太子說書奉使占城國
國王見之喜甚曰此相公天上麒麟子耶遷翰林應
奉侍制陞學士終江南路治書侍御史紅巾賊亂被

直隸霍州志

卷二十三

人物

三

執不屈死之

喬受之授汾西縣尹陞朝列大夫和寧路推官惠政旁

洽百姓歌詠之父

名失考

贈朝列大夫河中同知追封

飛騎尉霍邑縣男

程睿至正間進士父子俱有孝行隱居不仕內承父訓
外尊師教授代州判官乞養不就任後爲本州訓導

明

郭光遠字子明學博才宏洪武間由薦舉知通州陞汝
寧知府居官以清勤著父澤夫贈朝列大夫追封上

騎尉太原郡伯

周正洪武間貢生任福建道監察御史陞貴州按察司
僉事察吏精嚴彈舉允當風聲所至莫不震懾貴州
地僻山險人多不馴公隨在訓化俗爲丕變因丁艱
歸民立祠肖像祀名宦見曹端行實記

郭晟永樂甲午舉人授西安府同知遷思州府知府化
孚蠻裔見曹端行實記

郭睿永樂甲午舉人任南城兵馬指揮事實詳篤行

史素濡之子正統甲子舉人累官鎮江府知府政尚循

直隸霍州志

卷二十三

人物

四

良心存剛介四任大郡一節不移課生徒以育才平
賦役以惠下不阿權貴奏復民田善畜隄防治多美
利

郭韶宏治己未進士涉文史善騎射初知東安縣課最
擢御史以王親例改寧國府同知時逆瑾擅柄公獨
操履方剛不阿權貴寧人立碑頌之陞南京禮部郎
中復自陳改湖廣兵備僉事鎮平監軍大破隄蘭巨
寇又擒剿湖南流寇瀟陞四川叅議陝西西寧兵備
道地方寧輯麥秀兩歧中丞林廷玉東渠李漳各爲

詩紀其異

詩失攷

以山東左布政終

喬瑞嘉靖丙戌進士幼聰敏容止端肅屹如山立作文多奇語仕西安府推官折獄多所平反歲飢賑救全活數萬人秦府占民田抗法歸之後行取第一以王親例改松江府同知檢勘水田通融錢法陞山東濟南知府興學校均賦役百姓樂業陞大名兵備道兼河務練飭武備通利漕渠百姓畏若神明後遷山東左叅政清謹之操始終不渝奉表入京卒於途陝祀

名宦

直隸霍州志

卷二十三

人物

五

李廷儀字國瞻文勝子隆慶辛未進士知吳堡縣調洛川縣萬曆間行取兵科給事中士民攀轅臥轍不忍別肖像祀之在科以剛直著先是科臣言事必關白政府然後上公獨不肯又抗疏請禁中貴陳乞遷吏科左給事中工科都給事中黃河決廷議紛然公折衷羣說能得其要領獲底績出爲河南叅政值荒旱步禱得雨歲倍有秋酌復司馬溫公兌支法藩衛南陽衛兩軍歡聲雷動遷陝西按察使治兵固原夙夜運籌頓路帖然歲飢賑卹全活甚衆擢右僉都御史

巡撫甘肅甘肅番漢雜處稱要地既至勤訓練謹斥
堠尋以鄰封警爲議者波及解組去事白兩臺交章
薦卒弗起杜門謝客不與外事而提躬接物恭慎有
加其卒也里市皆流涕父子並祀鄉賢詳大學士王
文端公家屏墓表

周獻策字石畫太學生授陝西鞏昌判官屯兵西寧鎮
遷本鎮監紀化洽中外大疑大節決於片言識忠勇
羅一貫於行間祀鞏昌名宦

任光裕字振寰幼有至性居父喪失明久乃愈中嘉靖

直隸霍州志

卷二十三

人物

六

甲子副榜泰昌改元任雒陽知縣減驛馬開屯田收
福藩祿米節省三王行殿工費查糧宜陽活斬罪軍
徒十數命署靈寶事革火耗除衙蠹尋擢香河令剔
弊釐奸修學講約助貧煮賑修補堤口爲畿輔循良
首陞東城兵馬司遇寇難以身殉之奉命馳驛還櫬
賜祭葬贈光祿寺寺丞諡忠節進主都門三忠祠肖
像南門忠烈祠祀名宦鄉賢廕長子國楹入監詳給

事中張元墓表

以上行述墓表
舊志俱失載

成德字元升本州人依舅氏占籍懷柔崇禎四年進士

除滋陽知縣性剛介絕俗以爭餉額忤兗州知府王禹善禹善溫體仁客也誣公貪虐逮入京公道中具疏極論體仁罪詔下公鎮撫獄掠治杖六十戍邊坐贓六千有奇居戍所七年御史詹兆恒薦起如臯知縣尋擢武庫主司以母老辭不允乃就道至卽上書言事語皆切直具載明史本傳甲申之變聞帝崩持雞酒奔東華門奠梓宮於茶棚下觸地流血賊露刃脅之不爲動奠畢歸家自縊死公七妹及母張俱死先是懷柔城破其父文桂罵賊死家屬盡沒至是闔國朝賜諡介愍並

予祭 予恤行文原籍立祠撥給祭田祀鄉賢
以上十九人皆已祀鄉賢者

宦業

周

解揚字子虎霍州人周定王十五年楚伐宋景公使揚如宋命無降鄭人執之獻諸楚楚子厚賂之使反其言登諸樓車使呼宋人告之遂致其君命楚將殺之

曰爾許不殺而反之非我無信女則棄之速卽爾刑
對曰臣聞之君能制命爲義臣能承命爲信信載義
而行之爲利謀不失利以衛社稷民之主也義無二
信信無二命君之貺臣不知命也受命以出有死無
賈又可賂乎臣之許君以成命也死而成命臣之祿
也寡君有信臣臣下獲考死又何求楚子舍之以歸
晉爵揚爲上卿

解張晉大夫靡笄之役解御郤克緩爲右克傷於矢流
血及屨未絕鼓音曰余病矣張曰自始合而矢貫余

直隸霍州志

卷二十三

人物

八

手及肘余折以御左輪朱殷豈敢言病吾子忍之克
曰自始合苟有險余必下推車子豈識之然子病矣
張曰師之耳目在吾旗鼓進退從之若之何以病敗
軍大事擐甲執兵固卽死也病未及死吾子勉之左
并轡右援枹而鼓馬逸不能止師徒遂敗齊師逐之

三周華不注

解揚解張平陽府志載爲
霍州人未詳所據仍之

元

王佐字輔之州農家子也豁畧不事產業輕財好施善
騎射興定中聚兵數千人權領霍州事胡天祚承制

加忠勇校尉趙城丞遷霍邑令同知蒲州軍事權招
撫副使蒲州經畧使詔遷宣武將軍遙授寶昌軍節
度副使元兵取青龍堡佐被獲署霍州守將隸元帥
崔環質其妻子佐與招撫使成天祐與環有隙佐與
天祐謀殺環天祐曰君妻子爲質奈何曰佐豈顧家
者耶元光二年七月因環出獵殺之率軍民數萬請
命加龍虎衛上將軍元帥右監軍兼知平陽府事佐
與平陽公史詠素不協請徙沁州玉女寨詔從之仍
令聽上黨公完顏開節制是歲七月救襄垣中流矢
卒贈金吾衛上將軍以其子爲符寶典書

直隸霍州志

卷二十三

人物

九

明

陳琦洪武丁卯舉人授厯城教諭嚴正有師範遷國子
監助教再遷和州知州布德施教男女異路囹圄空
虛遷長史致仕歸享年百有七歲

朱充劬霍府宗室也忠介直亮博學能文御史劉光福
諫神宗定儲忤旨下獄劬疏救上怒斥其爵發高牆
後光宗立召還復爵

史濡宣德己酉舉人初任陳留縣教諭拜江西道監察

御史尋陞南直廬州府知府持身清謹勤政惠民時中官王振欲其附已啖以美官卒不往見當時人稱不見振者薛瑄與濡而已

李恂宏治己酉舉人先任寶雞縣教諭聘雲南鄉試後補申府教授陞鳳翔府教授復同河南鄉試考官陞高陵縣知縣學術有本志行不羣爲楊邃菴所推重有操守有爲清慎孝友之獎

劉榮宏治己酉舉人性孝友初任陝西靜寧州訓導嚴束生徒身先條約一時文教大興楊邃菴稱其善於

直隸霍州志

卷二十三

人物

十

訓迪若進士姚爵輩多出其門宏治壬子分校河南陞汝南府教授

張延壽宏治乙卯舉人湖廣隨州知州改知雲南趙順二州多惠政

張誠正德年貢生山東豐海縣訓導陞河南修武縣教諭學優行純士類敬服致仕歸州人重之

宋達貢生直隸成安訓導陞新安教諭學優行潔郡人咸仰之

趙穩嘉靖年拔貢任寧國通判有惠政性極簡易改鞏

昌府教授課士有方

劉煦榮子嘉靖辛卯舉人與弟熙同榜知蕪湖縣改富平縣政尚醇惠聽訟得情催科不擾人亦不敢欺洪水里積逋至是始及額焉

劉熙辛卯舉人性剛方質直不事浮華博極羣書入太學祭酒吳公見其文嘆曰子文可鳴天下也列上等癸卯順天分校一時皆以爲得人改教任邱尋陞元氏令

黃鉞萬曆年貢生任高平訓導陞廣陵教諭剛直不阿

直隸霍州志

卷二十三

人物

十一

訓士循循善誘子家柱亦績學多才以歲薦入監得縣貳不赴

安邦天啓間貢生性貞廉博通經史授滎陽訓導捐俸創置學田百畝滎庠咸稱安夫子陞廣陵教諭

李一槐崇禎年貢生鴻臚志之子任渾源州學正醇謹博洽士服其教咸稱西魯夫子

劉子文崇禎年貢生孝友夙著任孝義縣訓導訓迪有方多士式之

敬明舉經濟儒士授國子監學錄屢邀褒諭

邢體温以勇力委署隰州數年盜息民安

李惟杞任德化令潔己愛民時璫患魏忠賢擅權耿介不阿

任國梅以廩生委署本州州同禦寇守城供億急公罄家勿恤

國朝

任國標貢生任真陽令潔己愛民除文妖之崇驅虎狼之暴士民德之

薛元統字衍慶明貢生璫曾孫早歲食餼並應選拔授

直隸霍州志

卷二十三

人物

十一

太谷教諭俸滿保薦知武昌縣歷署大冶興國州等篆政績懋著膺卓薦未幾丁艱病卒居官廉明士民送有清風兩袖恩留江漢等扁子五人春馥歲貢介賓春旭增生餘援例孫十人

蒲益霖以選貢生授福建洪白團鹽大使調潯美場大使俱勤其官閩河灘高流惡瀕河居民往往乘商船將壞搶貨物以爲利益霖管解坵折餉銀遇其事立擒其魁數人白郡守置之法追還客貨並條陳所以禁止之方行旅遂安

郜文英嘉慶丁丑進士補浙江臨安令勤民重土辛巳
爲同考官能得人又倡修文昌閣捐建養濟院在任
四年民甚安之

按春秋之時解揚解張旣編爲州人其崇尚信義不
避險阻與前明史濡之不愛美官李德之講學避席
成文桂之義方訓子臨難捐軀並束身名教無愧俎
豆應請補祀鄉賢

篤行

元

直隸霍州志

卷二十三

人物

十二

閻順家貧就業平陽幼患足攣不能屈伸兩手托泥鏝
以尻着地而行每寒食節修祭物歸家掃墓一日回
至洪洞拱辰橋遇一人以針刺其患處遂起行若無
疾者人謂孝感所致

明

周洪陞庠生其父煥任山東新城縣丞城陷被執不屈
將刃洪陞挺身蔽之曰寧殺我乞留父命立刻粉身
時年二十六其妻朱氏年二十餘以苦節著忠孝節
烈萃於一門矣

朱毓彝性慷慨妻郭氏被賊掠上馬彝怒向前追擊被

殺郭氏罵曰速殺我得從夫地下賊並殺之吳中丞

奏請旌表如制

按郭氏殉夫得死所矣毓彝無可紀者今祀於忠義孝弟祠濫矣舊志有

姑存之

郭睿永樂間舉人任南城兵馬司指揮親死聞訃徒跣

奔喪廬墓側有白兔穴居馴若家畜學正曹月川以

詩述其事祀鄉賢祠

薛貫仁一里人景泰間納米千石賑饑授七品散官

郭鰲宣二里人事與薛貫同

直隸霍州志

卷二十三

人物

十四

姚旺宏治年貢生陝西延長縣訓導克勤其官性至孝

遷龍德教諭以親老辭不赴任

李梅宣二里人嘉靖甲午東山賊大肆擄掠梅率衆禦

之被刺不屈死

張雷縉之子歲貢生靈臺縣訓導人重其孝義

任國禎崇禎年副貢天性孝友耿介持躬

任光溥孝事二人曲盡溫清父歿廬墓足跡不出場外

日夜哀號時山寇紛起親友勸之不肯歸卒死於寇

巡撫曹旌其門建有孝子祠

成文桂介愍公德父以贅家懷柔績學不仕素喜讀史
遇忠奸事往往歌且哭德登第後就養滋陽時長官
皆烏程私人嘗訓德曰兒當學做人勿學做官克守
王國寶增滋陽餉額德固爭又嘗捕治其爪牙守怒
讒於御史禹好善誣德貪虐逮入京文桂聞之坦如
也崇禎戊寅懷柔城破罵賊死女季白子妾蕭氏童
氏孫女二小子婦劉氏皆相繼死凡六命焉德有自
記詳藝文

鄭琬郡庠生聘張氏女旣而女患篤疾張自求退婚琬

直隸霍州志

卷二十三

人物

十五

曰古人有娶雙瞽者我雖不及古人豈肯背義而別
娶耶娶而厚遇之

邢梁元飛翰公裔性剛直爲家督經理四十餘年毫無
私蓄助葬助婚有先民餘韻族黨皆義之

張塏例貢生濟物爲心遇荒捐賑州人義之

邢端飛翰公九世孫授邑主簿不就歲歉出粟賑饑嘗
代張孝廉還官銀又捐金置田於北坡底施茶濟衆
並有文名

邢弼教飛翰公十世孫父端卒於揚奔訃水漿不入口

者三日酷暑扶柩歸跣足徒行三千里既葬廬墓年
餘其母勸之歸因晝侍母側夜臥主傍不入私室母
病祈天求代夢紫裏人送藥病卽愈又施棺掩骼煮
粥濟貧修河隄贖難婦人稱爲克繼父志補郡學生
官光祿寺署丞

黃景春宣三里人幼貧爲酒家傭有客攜妻假宿者次
日早行遺其匣春開視胥金飾也追十里許付之客
分半謝之不受

國朝

直隸霍州志

卷二十三

人物

十六

劉文廷武生明末霍山賊肆害文廷日策騎探山峪形
勢及蹊徑出入旣悉其要害官軍至遂爲圖以獻賊
平軍師將論功入告文廷曰吾自爲鄉里計耳且親
老不願仕也先是明季差徭繁重邨居多逃亡者文
廷以一人之力截賠逋賦隣族復得保聚其好行其
德又如此

周一龍客揚州有江南饑民數千人倡捐商衆集千金
設賑全活甚衆漕帥疏請給九品官頂戴

劉有恒父一達明季死於張五倫之手倫擬絞旣以闖

變得脫順治三年有恒遇於賈村不持兵而鬪五倫亦攘臂不少避卒斃之有恒大聲語村人此吾父讐吾求數年今始畢願煩視之自具桎梏請罪府檄襄陵令會勘得情釋之

周錫衮廩生賦性豪俠慷慨重義事母盡孝兄錫爵早歿嫂安氏青年守節有遺腹子浩衮竭力撫養四十年如一日

劉砥中靳一里諸生事親克孝父歿廬墓三載母歿亦然

直隸霍州志

卷二十三

人物

十七

張龍鱗性至孝幼得父母歡心父歿廬墓側朝夕哭哭必哀三年不少間高崗之上甘泉湧焉服闋歸泉旋涸母歿復廬墓泉復湧當時謠曰泉流兮決決誰能飲兮孝子之血又曰泉流兮滔滔誰弗飲兮孝子之心

閻吉兆父文郁爲閻文亮所斃文亮擬絞吉兆父柩亦淹文亮家後文亮赦免吉兆思刃仇人之胸而苦於無間其堂兄秉恕跡所在乃糾兄弟七人羣起擊之斃柩側詣州陳父仇旣復甘受戮以伸國法州牧廉

其實援例上請雍正八年蒙

恩減等

劉恒耀太學生事繼母以孝稱母病侍奉二月鬚髮半白嘗買荀姓子爲童既而知其乏嗣也亟還之其他捐賑煮粥亦多義行

安承教廩生絕跡公門孝事父母

翟果進孝事老父進營於外以具菽水妻喬氏亦盡心侍奉二十年無間言

安養已性極孝治家勤儉五世同居無私蓄弟病篤禱

直隸霍州志

卷二十三

人物

十八

神而愈弟乏嗣又禱於神果生子人以爲至誠所感云

喬必亨武生出已貲爲合里辦公爲族人置義田州牧屢旌其閭

薛璉國學生父歿弟四人俱幼共財無私蓄堂弟某虧國賦代納之族人不能舉火者贍之而勉以自振每歲冬月以其餘煮粥濟人

衛讓性純孝母病湯藥必嘗衣不解帶歷久弗衰有故人子逼於債讓代還之

張習武生遇荒歲出穀賑饑族弟流落遍訪得歸爲之
婚娶且均產焉

翟廷瓚性最孝早年失恃繼母張氏有弟五人瓚曲體
父意甘旨承歡厚撫幼弟家庭毫無間言

任道統庠生其異母弟道緒童時爲人陷誘遠方統心
計十年得歸以所置業與緒均分之

薛洛廩生父歿事繼母無微不至人問之曰生母稍有
缺畧未必介意繼母一有不至必傷其心母愛洛亦
如已出督學匾旌其廬

直隸霍州志

卷二十三

人物

十九

成文耀貢生康熙二十四年歲荒賑三百石又代納里
人逋賦一千二百餘金明年招徠鄉隣給籽種訖無
德色子均亦有父風

薛璲貢生事親孝居喪守禮族黨貧窶不能婚葬者助
之嘗應試道經靈邑有客死而無棺者出貲周之康
熙三十一年奉文運米濟陝饑州民無措璲獨任其
事

胡抒忠庠生遭明季之亂族人盡逃有停柩不能葬者
忠悉葬之康熙三十六年歲歉捐貲煮粥救饑又於

辛置鎮南建立石橋利濟行人

成均國學生文耀子施惠濟貧敬老恤孤凡事克繼父志遇歲薦饑斗粟價至八錢均前後捐粟五百餘石全活甚衆

安修己性慷慨撫孤恤寡宗族婚葬資助弗吝辛丑大饑有汾西民攜妻子鬻州境者修已捐錢米濟之骨肉得全

晁著貢生徐溝訓導康熙六十年歲大饑倡義捐粟賑救親巡竊盜閭里獲安外家遺一幼孫爲之婚娶並

直隸霍州志

卷二十三

人物

二十

給已田養之鄉里重焉

李馨遐中丞廷儀嫡孫事繼母叔母一如所生撫弟之子如已子助貧族之葬周鄰里之乏州人稱之

李勝宣二里人父母早逝待異母弟友愛彌篤地方公事皆盡心爲之

李成禎斬一里人廩生捐粟賑饑施金贖鬻子當道嘉之

荀竹盛辛四里人孝友睦嫻孳孳爲善後有疾感神賜藥服之而愈

劉文英宣三里人平寇堡罵賊而死

以上皆載舊志其文之鄙俚者稍潤

之色

安彭年州廩生

祀孝弟祠事實失考

任開泰字階平舉孝廉方正忠烈公光裕五世孫性純孝總角時父病朝夕侍側嘗藥父亡水漿不入口者三日母病母歿亦如之泰先客揚州聞母病兼程徒跣歸兄有疴則與同榻臥不欲病者獨苦也延醫求藥雖遠弗憚有鄰人邢錦售地於泰後錦亡婦孀子幼還其地不索舊值里人王登貧不能葬求找地價泰憐其誠出貲以爲賻地亦歸之道光元年旌表建坊祀孝義祠子士魁捐職千總掄魁入太學士魁出繼長門兄弟同居奉母克濟其美本州給孝思維則匾獎之

朱調元字志尹廩貢生前明代簡王裔質直有胆畧凡戚族有事力爲排解州之公事亦樂爲衆倡夫婦壽皆八十餘子四長貽穀吏員次聖時正彩貢生象離廩生孫十人連擢監生連捷增生曾孫秀先附生元孫麟標麟麒丁綿五葉慶衍一堂嘉慶二十一年

制給盛世康齡匾額

王儒珍字來聘捐職州同知性耿介不輕接物勇於爲善族人之貧窶者婚葬皆倚之議建祖祠絀於費珍經營多年積千餘金又出己貲八百金終其事並於厲壇旁置地五畝以廣義塚州人稱之

何方煒字惟中捐職都司性豪爽輕財好施本村土垣圯補修無力煒捐貲三百千獨任其事族人之不能婚葬者悉資助之詳本村善行碑

杜建業慷慨好義捐貲設立茶房於卸牛坪以惠行旅

直隸霍州志

卷二十三

人物

二十二

閻奕光閻家莊人康熙六十年歲大饑餓者遍野閻家莊等村尤甚奕光出粟濟之全活甚衆

任宗選字思齊忠節公五世孫事親盡禮仲兄超萃蚤歿以子作相嗣之季弟之子作舟少失怙恃視寒暑完婚配使底於成立皆其力也

成王德廩貢生少孤事祖母色養備至與弟歲貢生王化同居終身無異言乾隆四十二年出粟百二十石賑饑五十三年亦如之

韓配庚庠生少孤母王氏苦節庚勵志讀書旣長事母

猶孺子也後爲句讀師館於遠村母得暴疾死庚匍匐歸哭不絕聲淚盡繼之以血及母入殮呼天長號宛轉而絕州人哀之

李自讓字德香爲叔父後以孝聞與兄子文輝析居推田產之腴者與之有隰州人傭於其村會積雨餓且病自讓爲食食之給湯藥月餘不倦傭者病獲起嘗語其子孫曰吾無他勝人惟不以刻薄傷元氣而已子文炳遵其教孫榮程嘉慶庚午舉人

韓永義性仁厚以爲善爲樂乾隆五十七年歲饑穀貴

直隸霍州志

卷二十三

人物

二十二

託散糠爲名而雜粟米以與之其他助婚嫁修道路施棺散藥皆出於節儉之餘非素封比也子培深庠生孫班道光壬午科亞元

周祥麟至性過人自傷失學有異母弟二人使從學耕作則已獨任之祥麟年五十餘侍父側顏色必恭繼母亦賢之

李岑惠素慷慨喜任事村設禁規賴以整理待戚黨亦多提攜之力

王朝桐字晉封庠生性純篤事父母色養備至五叔父

病癆又乏嗣朝桐繼之侍膳侍藥朝夕在側居喪哀毀如制所後母病歿亦如之又念胞兄食指衆多以所得長門田產悉與之族兄廷猷流落不知所在家遺母子二人加意調恤又爲措貲尋親得全其骨肉焉

任永敏生員明忠節公光裕裔兄弟五人同居伯霜仲雪友愛無間言族姪自立早世孤寡蒙德里人曹聖林親歿賴以舉喪本里差糧水利身任其利害官不煩而事辦學憲給匾曰譽聞鄉里太守曰砥廉勵節

直隸霍州志

卷二十三

人物

二十四

儒學曰儒林雅望子奪秀廩生奪魁武生族孫建基庠生族曾孫士璋廩生

程學道監生其弟遵道父所鍾愛也舉茂才而早亡又無子學道以長子繼之次子旋天至五旬後復舉子甫週而母病令其妻以乳奉母母病由是瘥

張岱監生承祧兩門家給而好善嘉慶十年粥賑老幼就食維艱出已粟數十石就近賑之本村地畝向仰給下馬窰泉源乾隆五十年梁學芳地有新泉出焉岱購開之併歸一渠水利以饒合村有贈言勒諸石

郭景融原任平遙縣教諭郭名京之孫恩貢維翰長子居喪如古禮厥弟五人景昭景清早亡孤寡資其培養幼弟景和遊京師勸之不歸乃赴京爲之婚娶前牧劉給匾曰永錫爾類學正徐曰孝友可風翟天申生員允璫之子其兄卒於客邸路遠且險申扶柩歸殯又倡建宗祠以竟父志本州給令德垂裕匾獎之子文標廩生

蒲俊字佐卿嘗拾得汾西樊世雄遺金於途世雄言符其數立還之其事親以誠待族隣亦有恩范太守給

直隸霍州志

卷二十三

人物

二十五

匾曰盛世良民子大生庠生

蒲益霖增生三歲失恃善事繼母家事有勞獨任俾諸弟肆力於學皆得成名母愛之轉逾於所生焉

朱彝信少孤而勵行兄彝仁因病篤具棺信臥其中祝以身代謂兄一子早卒一子又失明己有三子死可瞑日後兄病漸瘥信不逾月竟無疾而亡黃學憲給匾曰孝友可風子三傳璵職員傳班廩生傳琅恩貢生

程德監生精於醫施送益母膏閱六七十年不倦子志

道庠生早卒次子悅道廩生傳其術出入官署從不干預公事奉養無忝體卹孤寡克肖其父焉

高班監生年十七歲歸父櫬於京嘗出四百金存貯生息備門戶差事里黨德之

翟蘭蕙增生家甚貧父起鳳嘗客河南蘭蕙年十三聞河南水災堅欲往省親友不能阻比至促父歸甫離境三日水大發傷人無數父子得無恙起鳳亦增生習醫喜施藥蘭蕙教讀所獲多市藥備施送焉

張泌州廩生國正父叔母高氏暮年喪子擇泌爲嗣後

直隸霍州志

卷二十三

人物

二十六

高氏目眊肢廢飲食起居胥人扶持泌率妻閻氏盡心侍奉得以壽終

邢錦環勤苦營生奉養孀母兩弟早世善事孤寡鄉里稱之

翟蘭臯吏員甫生失恃叔母高氏乳爲己子年九歲或語及親母卽涕泣不止長客揚州覺心動而歸父已病革矣其妻死五年不繼積貲爲諸弟先營婚焉

張繼程庠生賈孟村人規言矩行授徒善誘村人知嚮學自繼程始子翻廩生通經術有闔兆吉者以刃父

仇獲罪其子肯堂州人擯不與考翻曰復三世仇春秋許之矣且其嗣何罪州人不能與之難翻子有光庠生孫象賢太學生曾孫景陽景春景華皆有聲庠序世濟其美

薛光宗歲貢生自幼祇父恭兄樂於爲善舉式賓筵黃鍾兩前牧皆給匾獎之

王儒誠字士信四歲時父廷獻客遊無消息儒誠嘗向母問所在及長告之儒誠頓足椎心卽日禱於神憑識語治裝西行至關中困極而病夢神與語如言遇

直隸霍州志

卷二十三

人物

二十七

於甘省山後駙馬府遂與偕歸

吳國泰甲子科舉人美玉之父也本里徭役雜派紳衿例得優免國泰以本族優免居多倡議勻派里人戴其德又龐開基家有三喪不能葬亦賴以舉殯焉

李業乾隆二十四年歲歉出粟濟貧五十三年歲歉亦如之間里皆有贈言子長盛長春俱武庠

孫福貴少孤事祖母及母以孝聞於本宗乏嗣者爲之修墓歲時致祀焉

劉學灝生員爲塾師不取束修爲醫不取謝金極貧且

周濟之歲歉平糶焚券行之無德色子思梧早卒孫
監生居所助喪賑饑並會捨地作楊棗村官道世濟
其美焉

程若麟監生元元帥程榮十六世孫少孤事母克孝嘗
出貲百二十兩積聚生息倡建宗祠以其餘應差徭
之用本族死無所歸者則助其殮埋焉子樹業孫望
燦俱武庠

喬聖封監生父忠信兄聖鐸俱早亡聖封事孀母克孝
待寡嫂孤姪有恩至今同爨

直隸霍州志

卷二十三

人物

二十八

翟允燦善事繼母貿易無私蓄有弟四人皆感其義
張巨勲監生敬事繼母延師課季弟並體父意邀中表
弟同塾讀書先後得青其衿舅氏年老無依生養死
葬悉力任之子翀飛鵬飛鳶飛俱遊庠

劉多增生其父五娶多事繼母皆曲盡其道前牧吳給
匾獎之

郭時修監生事祖父繼母先意承志外家孤苦歲有資
助焉

韓如標字國楨父喪廬墓三年事繼母克孝每年各出

錢募傭者夜巡村人得安又延師授粲隣村來學者
止令出束修而已數年間遊泮食餼者甚多道光元
年

恩賞九品頂戴壽八十四歲子三皆有聲

韓守陽字太宇因父病習醫與人療病極貧者併藥資
不取焉兄弟析爨產業任所擇人皆義之壽八十七
子三皆與賓筵

董朝樸貢生倡修南塔文昌祠祠有水田五畝爲居人
隱佔頻年賠糧朝樸搜求歸之守者今始免累矣

直隸霍州志

卷二十三

人物

二十九

荀晉元舉人乾隆五十五年于龍峯堡出重貲購地二
畝新開車路嘉慶十年歲歉出粟賑隣族數十家皆
善體親心爲之

文苑

金

張著字仲揚以詩名泰和五年召見應制稱旨特恩授

監御府書畫

通志作永
安縣人

明

李德永樂間主州講席及見曹月川先生語諸生曰學

不厭教不倦曹子之盛德也至其知古今達事變末
學鮮及之古云得經師易得人師難遂避席去曹子
高其行誼命諸生延致之講明正學居喪廬墓絕飲
學者咸稱爲白雲先生

請祀
鄉賢

石振坤歲貢生洽聞廣記飭紀敦倫綽有古風前牧葉

公以師禮事之

國朝

黃翊聖舉人博學多文力行古道杜門讀書至老不倦
郭維翰字笠夫恩貢生性曠達不事家人產嗜學工詩

直隸霍州志

卷二十三

人物

三十

所著有鴻爪集管見錄等書行世

張謙歲貢生字子厚性淳質持躬甚謹嗜學如飴設家
塾訓誨子弟必以品行爲先選稷山訓導未赴任而
卒

何宜字爾適廩貢生篤信好學至老手不釋卷鄉試屢
薦不售遂絕意進取設家塾獎勵後進多所成就平
居未嘗疾言遽色鄉黨不肖子弟慮爲所知恂恂有
古風焉

隱逸

明

張堅郡廩生以國法嚴重却廩隱居彘谷時官屢徵之
不應博洽羣書恬養終身識者高之陳琦與之友善

方技

薛元才庠生嘗出貲全人昏姻人稱爲長者精歧黃術
王姓婦孕而墜樓醫者相顧失色元才藥之母子俱
安又族子痘而瘖且三年矣爲製方服之吐積瘕而
愈皆不受謝子五人時宜時杰時勵時新孫早實俱
遊庠前牧蔣君爲贊日骨重霍岳兮秉性純氣清汾
水兮發言眞芹芳杏茂兮四方仰之如神功深德厚
兮百世奉之有人

寓賢

唐

姜暮上邳人從唐高祖平霍邑絳郡上言多見嘉納後
爲叅軍民畏其法而懷其仁比去位隱於石鼻谷
吳悉達聞喜人父勃海太守兄弟三人年俱幼父母爲
人所殺及長避居永安四十餘載父之墳墓推尋勿
獲四時哀慕晝夜號哭忽於足下地陷得父銘記因

遷葬曾祖以下三世有司奏聞表其閭

新增入

國朝

葉申江蘇人乾隆壬戌進士任刑部員外郎後主講霍

山書院諸生多所成就今隸霍籍

仙釋

明

荀和筌閉關清修茹素飲水後訪道名山幾遍天下創

建七真菴持修益勵順治十一年羽化時異香繞室

王冲幼事黃老學能辟穀遊汾結菴錠金原汲水以資

直隸霍州志

卷二十三

人物

三十一

行人積金鑿井建閣崇禎丙戌遊武當福府廉知強

司其菴之錢穀一日集諸道流日流寇將至請交所

司時寇在河北衆莫之信三辭乃脫巾離菴寇猝至

冲仍歸茶菴辛巳二月拜訣所知升榻端坐逝是日

有遇之團柏澗者始知爲羽化云

舊志載尚青山居朝陽洞有脫形之術常與平陽指

揮錢某共坐任其所索瞑目間輒於袖中出之無遠

不致任泫素其弟子也解脫後熟者每於他處見之

按袖中出物此爲播弄聲名幻惑人世

非道家正門
姑附記於後

趙城縣

賢哲

周

藺相如趙人初爲宦者令繆賢舍人以完璧事爲上大
夫澠池之會相如從秦終不能加勝於趙由此拜爲
上卿位在廉頗右頗曰我爲趙將有攻城野戰之大
功相如徒以口舌爲勞且素賤吾羞不忍爲之下必
辱之相如不欲與爭每朝時稱病出望見頗卽引車
避匿於是舍人亦羞相率請辭去相如止之日廉將
軍孰與秦王之威哉顧吾念之疆秦之所以不敢加
兵於趙者徒以我兩人在也今兩虎共鬪勢不俱生
吾所以爲此者以先國家之急而後私仇也頗聞之
謝罪卒相與歡爲刎頸交詳見史記

漢

紀信漢書信作通紀成之子爲漢將初楚之圍滎陽也
漢王患之信曰事急矣臣請誑楚王可以間行於是
陳平夜出女子於滎陽東門被甲二千人楚兵四面
擊之信乘黃屋車傳左纛曰城中食盡漢王降楚楚

軍呼萬歲皆之城東觀漢王由是得遁去信以燒死
後漢王爲立祠賜額忠祐縣東南二十里其墓在焉
樊噲嘗事屠狗從高祖起豐沛高祖入咸陽拒關項羽
大怒以兵四十萬臨新豐鴻門沛公從百餘騎因項
伯詣謝留飲獨張良與坐亞父召項莊舞劍欲因以
殺沛公項伯亦舞劍常以身翼蔽之良急至軍門見
噲告之故噲擁劍帶盾撞衛士仆地入披帷西嚮立
瞋目視項王髮上指眦盡裂羽目之問爲誰良曰沛
公驂乘樊噲羽曰壯士賜卮酒彘肩噲旣飲酒拔劍

切肉食盡之羽曰能復飲乎曰臣死且不辭豈特卮
酒乎夫沛公破秦入咸陽秋毫不敢有所近封閉宮
室還軍灞上以待大王來勞苦功高如此今聽細言
與有隙臣恐天下解心疑大王也羽默然沛公如廁
招噲出獨騎與噲等四人從間道歸軍而使張良謝
羽羽遂無誅沛公心噲破敵斬將亦累有功初封臨
武侯後爲樊陽侯其婦呂須呂后女弟也高祖病惡
見人詔戶者無得入羣臣大臣震恐噲以帝戚故排
闥直入見上獨枕一宦者臥噲流涕曰始陛下與臣

等起豐沛定天下何其壯也今天下已定又何憊也
且陛下病甚不見臣等計事乃獨與宦者暱獨不見
趙高之事乎帝笑而起後帝病甚有惡噲黨於呂氏
者帝怒時噲出擊燕使陳平卽軍中斬之平畏后執
詣長安會帝崩后釋噲使復爵邑孝惠六年卒諡武
侯史記沛人邑志樊村里人

鄧惲字君章年十二失母居喪過禮及長理韓詩嚴氏
春秋明天文術數上王莽書請還劉氏天下收繫獄
會赦出南遁蒼梧建武三年又至廬江遇積弩將軍

直隸霍州志

卷二十三

賢哲
中

三

傅俊東狗揚州禮請爲將兵長史俊還京師上論之
惲恥以軍功取位辭歸最後居江夏教授郡舉孝廉
爲上東門侯帝常出獵車駕夜還惲拒關不開帝令
從者見面於門間惲曰火明遼遠不受詔帝迴從東
中門入明日惲上諫書賜布百匹貶東中門侯參封
尉後令授皇太子韓詩侍講殿中及郭后廢言於帝
曰臣聞夫婦之好父不能得之於子况臣能得之於
君乎是臣所不敢言雖然願陛下念其可否之計無
令天下有議社稷而已后旣廢太子意不自安惲曰

久處疑位上違孝道下近危殆不如引愆退身奉養
母氏以明聖孝不背所生太子從之帝竟聽許憚再
遷長沙太守又免歸避地教授以病卒漢書汝南西
平人通志代人邑志石明里人

金

王綱字振之桂林坊人金泰定狀元授翰林修撰金史
無傳舊志稱其嘉言懿行先哲是師有忠孝歌行世

元

徐毅字伯宏玉之孫弱冠辟通政椽調同知權州事擢

直隸霍州志

卷二十三

賢哲中

四

監察御史陳時政七十餘疏世祖賓天請太后定皇
孫於朔漠迎立正大統成宗踐阼請正東朝正號以
嚴孝養又奏論相立儲敦睦宗族選任臺諫教習親
軍及備邊等十事疏累任陝西漢中河東山西等道
肅政廉訪使擢刑部尚書侍御史除僉樞密院事仁
宗朝以江南行臺中丞遷燕南河北道廉訪使召參
議中書省事拜陝西諸道行御史臺中丞辭歸歷事
四朝元祐元年卒贈資政大夫中書左丞上護軍追
封平陽郡公諡文靖父德舉追封如制子二俶僖遺

奏議五卷詩文三卷

田忠良精陰陽術金亡匿山中以薦得召見世祖竒其
狀貌謂侍臣曰必能爲國用數言事輒聽命爲太常
丞少府爲諸王童昌建宅太廟前忠良仆其柱曰此
豈諸王建宅所耶祀太廟或請不用牲忠良奏曰梁
武以麵代犧牲竟何如耶遷太常卿卒封趙國公諡
忠獻別見方技子天澤翰林院侍講學士嘉議大夫
知制誥兼修國史有文名父子並祀鄉賢

湯家相字賓我順治己丑進士知常熟縣有惠政以逋

直隸霍州志

卷二十三

賢哲中

五

稅免官士民舉旂相約輸納恐後於是積逋皆竣部
議還職再補南漳令漳界萬山中鄖寇據爲患數殺
邑令賓我至授方畧於兩守備斬獲無數寇不敢復
至乃葺學宮聚諸寨生徒墾荒田六百餘頃修築永
興諸寨復永泉舖河堰灌田十五里築八觀堰建土
坪橋捐俸助襄邑堤工大吏薦之朝當除一官以病
力辭歸蕭然圖書數篋而已

以上九人皆祀邑之鄉賢祠者

宦業

金

呼延實本楊沃衍部曲以戰功仕至寶昌軍節度使閒居汝州之西山天興元年防禦使張楷自揣不能服衆乃以州事託實而自往鄧州實遂領汝州青陽砦事後姬汝作入州城守不能相下實欲遷州入山謂他日必爲元兵所破汝作不從詳議官楊鵬和釋之實乃還山汝作遂爲總帥二年八月州人梁臯殺汝作實時爲峴山帥有詔併力討臯

徐玉字廷玉石明里人五世不異居己卯大軍南下隸

直隸霍州志

卷二十三

宦業中

六

軍籍授帥府都提控署崞縣提領旋爲岢嵐長官提舉河東南路常平倉事全活民人甚衆至元間卒於家以孫毅貴贈嘉議大夫上輕車都尉追封平陽郡侯子德舉平陽路都運司經歷太原路提舉

明

孔詔 孔子五十七世孫知寧遠縣嘉政報成奉詔褒

嘉

賀貫洪武癸亥解元官陝西叅政爲治以不擾民爲主文章博雅器識含宏著有書舊家珍之

賈維新洪武年貢生由兵部主事歷官大理寺卿忠鯁
有氣節居官以公勤廉幹著靖難兵至不屈死祀忠
孝祠

賈瑄洪武間由貢生歷任浙江道監察御史遇事敢言
臺省推之

劉環耿壁里人天順乙卯鄉魁歷任臨煦汝陽縣陞知
光州遺愛在民去思銘德從祀鄉賢 學校未載入

劉九臯環之子例貢陝西按察司經歷陞保定通判傳
受麟經多士從遊

直隸霍州志

卷二十三

宦業

七

張儒監生正德中渭南縣丞仁厚廉謹有長者風

高希古例貢任扶風主簿陞富平縣丞廉明甚著署華
陰縣事有善政

賈誥例貢靜寧州吏目官卑而守潔

李柱歲貢任平度州同居官廉謹事母至孝兄子少孤
析產與子均合邑重之平度州祀名宦邑祀忠孝祠

孔汝聽 一作宏聽 孔子六十一世孫以陽曲教諭致仕時北

寇侵太原督衆修城又築修澗道民田數千畝咸利
賴之祀忠孝祠

劉元鳳嘉靖間貢生知霑化縣服官廉謹公餘與邑之士紳述古今嘉言懿行亶亶不倦

王大用進士歷官陝西布政使叅政宣猷布化廉法並著朝議重之

張珩進士知陝西咸安府居官寧靜澹泊不事煩苛吏畏民懷退歸林下三十年閒居賦詩有集傳世

王應豫萬曆庚子科舉人知山東高密縣調掖縣陞直隸永平府同知德行純粹學道淵通蒞政廉明居鄉孝友正霍泉祀典歲省民金千兩人皆賢之

直隸霍州志

卷二十三

宦業中

八

閻承寵字天廷少好學以貢生知阜平縣廉不擾民遷趙州知州值國變歸年八十餘自號趙州先生家甚貧以邑學養廉倉利太微捐金廣額士咸頌德焉

劉天衢歲貢武定州判陞階州同知清廉有聲居家孝事祖母祀忠孝祠

李蕃萬曆間以貢生司鐸臨潼授諸生禮經總括高堂曲臺之義融貫大小戴之文至今傳之

李應選進士官戶部郎中盡裁淮安常例稅參贊庶政懋績著聞事母至孝鄉邑崇之

譚應庚萬曆丁丑進士歷任陝西提學監察御史登明
選公文風丕振士論翕然

韓原善萬曆丁未進士知江南青浦縣行取兵部主事
陞山東按察司兵備僉事整躬飭屬有猷有爲時論
重之

高攀蟾任寧陽縣訓導湯陰縣教諭豈弟作人時有滿
城桃李之譽著有集行世

李友梅歲貢三原縣丞署長武縣事有廉聲

張閱生員加守備銜明末賊盤踞東山統兵進勦陣亡

直隸霍州志

卷二十三

宦業

九

顏色不變祀忠孝祠

衛宗康爲司馬中丞轅門千總流寇至境橫矛奮勇轉
戰陣亡祀忠孝祠

國朝

劉時俊舉人順治間知江西建昌縣實心實政民愛戴
之撫按交章薦力辭歸里潛究關閩濂洛之理得其
指歸一時知名士皆從之遊

劉復鼎字王璉少好學以進士授福建漳浦令時寇至
鼎招集流民堅守三攻三創之後引疾歸里居二十

八年杜門却客年七十餘卒

王思聖貢生以遼州學正告歸孝友文章並著於時

王景陽思聖子任陝西寧州同知服官廉靜吟咏不輟

郭顯龍舉人代州學正計課調習士風丕振

衛廷康熙甲午經魁任介休教諭立心狷介動必以禮

諸生以理學宗之

張明康熙丁酉舉人授雲南恩樂令恬靜寡欲以文章

自娛廉俸所餘盡給其弟解組歸餽粥不繼晏如也

王萬受歲貢任興縣訓導正躬率士大振文風

直隸霍州志

卷二十三

宦業

十

郭崇貢生任黎城訓導世德克承文風丕振後調潞城

歸林下屢式賓筵

張聰選貢任襄垣教諭恬澹無欲司鐸歸不謁長吏

劉臺雍正乙卯舉人任湖南寧鄉令清德自矢後歸林

下惟吟風弄月而已

閻烜文品兼優由選拔任雲南布庫大使陞新平令士

民愛戴

王嘉言式烈子以歲貢任崞縣訓導立心制行恪守古

訓臺衡重之

李聯捷豪俠好義奮志急公由供事官雲南金沙巡檢
甚著賢聲

晉大忠字心葵康熙初遊海上時海寇犯境因投行間
自効署守備有軍功

御賜白金五十兩十三年耿逆之變制府李之芳提軍至
公自嘉興赴軍由衢州至金華恢復諸邑鎮獻捷十
六次以守備管遊擊事復調赴衢州屯住繆村深夜
爲賊所乘力戰死

予祭予卹子賦字禹平襲職補守備遷廣德遊擊署六安
直隸霍州志
卷二十三
中宦業
十一
叅將

聖祖南巡賜詩云寒花護月色墜葉占風音此夕無塵慮
高雲共片心

遣祭贈懷遠將軍

王國寶康熙間爲太原鎮營弁保舉在正白旗行走隨
駕出口記功放張家灣營守備

賜刀一口升玉田都司

憲皇帝時升武清遊擊捕盜有功

怡親王賜匾及劔

上御書硃敕升涿州叅將通州副將卒於任

篤行

元

李忠兄弟三人長思次恕忠其季也幼孤事孀母宋氏克供子職大德七年地大震郇堡山移所過居民廬舍皆摧壓傾圯將近忠家分爲兩行五十餘步復合忠家獨完李崇德爲作孝感碑祀忠孝祠

明

劉純陽庠生父尙義歿廬墓三年邑令賀國定旌其門

直隸霍州志

卷二十三

篤行
中

十二

祀忠孝祠

賈猷 賈鈇 賈鎮 賈鸞 賈清 師麒 均以輸
賑授七品散官

賈煥 原敦 楊芳 張亨 均於成化間以輸賑旌
門

衛全捐粟五百石邑有旌義石

王士通 喬友恭 賈錡 賈淮 賈沂 賈子豪
劉瑄 賈思義 俱以輸賑旌門授散官

王省邑庠生幼孤事母至孝待弟姪恩明誼美鄉曲推

重督學使者屢旌其門祀忠孝祠

劉登第邑庠生居繼母喪哀毀骨立廬墓三年父所遺
產以沃壤讓弟已取瘠焉祀忠孝祠

王郊萬厯間歲歉邑多流亡輸粟賑濟全活良多大吏
表其門

國朝

王顯圖邑諸生應豫之子幼遵父訓克盡子道撫恤孤
姪分產讓腴邑侯安公詳旌其門著有天外奇賞樵
耕心話行世

直隸霍州志

卷二十三

篤行
中

十二

郭養正貢生倡義之舉有聞必行子洪圖洪鼎世濟其
美

郭洪圖歲貢事親至孝內外無間撫按交章薦舉旌爲
孝子之門

王昌緒邑廩生父四繼其室病篤時顧仲子昌齡叔子
昌鼎有憂色昌緒悉推產讓之

湯任賢字衡卿康熙庚子歲貢天性孝友事繼母色養
交摯異母弟作賢字振卿邑庠生亦克恭其兄孝友
家聲聞於鄰邑

高鵬飛字雲搏廩生幼孤事繼母色養匪懈祖母病六載服勞不倦舉孝廉復舉鄉飲介賓長子汝學邑增生亦克繼志焉

衛廷 邑諸生少讀子游問孝章卽知起敬父授徒平陽月必負衣一候起居後聞父病日已暮徒步往不少頃至洪洞縣南聞空中語曰此孝子宜避之及至父曰昨夢汝且至果然及父歿慟幾絕事母謹夕必俟鼾聲乃退或請偕遊揚州以百金治裝固辭曰母在可遠遊乎廷 卒繼妻賈氏年甚少克養姑以終

直隸霍州志

卷二十三

篤行
中

十四

其志

衛廷璧字和石魁元之祖也恩貢生授徒平郡康熙三十四年地大震先夕夢人語曰明日勿驚爾有孝行可免難次日城市傾圮死傷無數璧獨無恙及卒之日盡以餘資遺兄弟子留子孫者書數箴而已

劉文光李村里人七歲失怙十六歲入泮事母至孝母病焚香告天願以身代居喪如古禮兄蚤世撫姪如子教訓成名乾隆元年舉孝廉子臺乙卯舉人任湖

南寧鄉縣知縣

侯建紀王樂里人父母蚤喪歲時哀慕不衰伯兄建綱年八十有二仲兄建維年七十有八服食起居時親顧問一門子姪六人經其薰陶並有雋聲

張遴寶賢坊人邑庠生爲伯父經世嗣經世在鄉得暴疾遴聞之徒涉汾水若有人掖之過及至父病旋愈有神祐焉

湯以璉增貢生性至孝三事繼母無間言父患痿侍病十年如一日祖母百歲得終餘年學使夏公旌其閭賈學潮羅雲里人太學生父亡尙在弱齡大事盡禮事

直隸霍州志

卷二十三

篤行
中

十五

繼母始終無間諸弟在抱撫恤備至當事爲旌其門賈愈良字漢臣羅雲里人事繼母至孝母病甚手承痰血不解衣者百餘日待幼弟友于彌篤一絲一粒不私己有內外稱之

賈翮字騰霄羅雲里人生員遵典之父也事繼母以孝聞公舉式賓筵焉

張廷璧小胡麻里人候選縣丞孝事繼母母亦亟稱之待兄弟讓產讓貲鄰鄉之不能婚葬者皆以母命出金贈之

高壘廩生字雲峯桂林坊人邑庠生陟岡子生平寡言
笑好學敦品事繼母曲盡子道鄉黨無間言

王廷獻廩生事母至孝門內藹然生平主靜爲師文望
歸焉

王嘉誥廩生桂林坊人天性孝友讀詩至蓼莪常棣輒
掩卷太息父蚤世凡可得母歡心者無所不備諸弟
同室怡怡如也

王夢尹孝廉夢熊胞弟父蚤喪母孀居多病因改儒業
醫母獲享大年

直隸霍州志

卷二十三

篤行
中

十六

張憲邑庠生至孝性成繼母徐氏暑日染病渡河求醫
適汾水盛漲再沒再起如有神佑父脇發疽憲口吮
膿血獲愈又感傷寒藥不能進自服發劑臥父衾藥
氣旣盛父汗出病竟得瘳其妻早亡遺子友直甫週
歲時憲年三十義不再娶焉

楊耀麟太學生事繼母至孝並多利濟之事邑人舉式
賓筵

申亶歲貢生事繼母竭盡子職友愛弱弟邑人稱之
張寬廩生負異稟總角時卽有聲庠序間二親亡後遺

弟六人皆幼以養以教不憚辛苦後皆讀書有成
衛樹極歲貢生數月而孤至性天成髫年事母色養兼
摯焉

楊溥秉性孝友兩事繼母竭盡子職與弟淵弟溱俱入
太學白首同居兩姪媳孀居顧恤周至視猶子如兒
教育成名子大任上舍生蚤年喪母事繼母敬順無
違世德懿行鄉黨稱之

郭發元字聖思康熙癸卯舉人性耿介不阿嘗詣友人
官所見其治尚威力戒之曰治民寧韋緩毋絃急黔
首吾赤子奈何任情而治乎遂去之子顯龍代州學
正稱媲美焉

直隸霍州志

卷二十三

篤行
中

十七

王應復歲貢生倡修磚城功著保障祀忠孝祠

衛誥兄弟三人長詔次卽誥三訓析爨之時田園房產
悉推讓之邑人高其行

張維紀歲貢生祀忠孝祠舊志稱其捐建啟聖公祠有
功文廟

申聰侯村里人歲饑捐粟千石當事詳給頂戴

賈茂先羅雲里人忠厚愷弟遇事有爲捐金學宮官司

表其門

衛襄緒南李村人歲歉捐穀計值千金有貸者囑幼子
罄盡焚其券

衛承緒上舍生慈厚宅心遇歲歉盡免佃人秋夏租籽
鄉黨稱之

劉大隆李村里人太學生慈詳謹厚讀書通大義精於
易理不樂爲舉子業事親色養族人相爭而傷牛
者代償其牛邀集歡飲俾如初時大飢家止存粟四
十石以三十石濟貧乏家人阻之曰吾寧澹泊食疏

直隸霍州志

卷二十三

篤行
中

十八

粥不忍見戚里有餓殍也

湯焯邑庠生嗜義急公隣里鄉黨務加周卹歲歉焚券
免租大饑散粟賑濟母九十歲里人樹感德碑其門
賈元烈太學生居羅雲里急公好義兄蚤逝撫諸姪成
立無間己子歲饑計口授粟盡焚借券前令羅公蘇
公表其門及卒鄉里皆流涕

衛躬歲貢生衛桓邑庠生同堂兄弟也端方仁厚好善
樂施前令徐公爲詩以美之

高斌上舍生侯銓州同知家素豐好善樂施所在有舍

地焉

陳玉清大義里人捐金捐粟修道路險阻以便行旅其
他善行類此

李觀營田里人年八十二歲施予不倦五世書香相繼
前令夏公優獎其門

徐文光獨力修築霍渠滾堰利賴至今鄉人塑像配祀
火神廟

閻之相字砥臣趙州先生曾孫也由武生考授守禦所
歲大歉嘗出粟賑濟邑令黃公額其門舉鄉飲大賓

直隸霍州志

卷二十三

篤行
中

十九

次子煥貢生

王永康邑庠生孝友性成勇於爲義嘗於石灘村引汾
水灌地二百餘畝又捐粟爲南步莊開渠灌地一千
畝有奇至今利賴之

賈逢運太學生好善不倦歲大歉出蓋藏周貧乏焉

張常中州同知銜以爲善爲樂捐館時囑嗣子上舍生
博捐銀五百兩以補簡城書院膏火博敬承厥志時
論賢之

張黃中太學生捐銀一百二十兩補助書院膏火

賈栩太學生嘗遇婦人鬻子於道母子哭不忍舍出金贖之

盧永興邑庠生篤於天性父兄相繼早世幼弟遺孤倚以成立焉

張裕邑生允中之四子太學生好學不倦沒時猶執卷焉

史玉鳳太學生史記之父篤於孝義一門子姪終世同居記克承父志稱濟美焉

喬高太學生仗義疏財與人交有鮑子風值歲歉蠲其

直隸霍州志

卷二十三

篤行中

二十

租息貸者不能償輒焚券焉

王增壽好義急公邑之耆善也年七十六歲兩赴五臺恭迎

聖駕俱邀

恩賜粟帛閭里稱榮

賈遵法上舍生厥弟夫婦蚤亡遺孤鎡方數歲視同己子鎡邑庠生

張行敏附監生好善急公乾隆間邑建書院修邑志皆倚以成事舉鄉飲大賓長子俊次忬庠生早卒

劉定章邑之世族兄弟四人同居教養俾各成立子嗣
翼恩貢生有文名遇邑中事惟慎惟勤有古君子風
張廣太學生急公好義孝友睦婣居仇池里爲鄉黨推
重

李勝福 勝貴生員李自振之子振死二子皆韶齡兄
弟友愛白首如新

衛延泰生員淑康子恂謹篤實樂善好施由武庠捐千
總職子二廣掇鄉科

賈逢席羅雲里人文行並美順治間修理文廟四載勤
直隸霍州志 卷二十三 篤行 中 二十一

勞前令安公給匾獎之

賈景誼選拔貢生天性孝友父年老失明承歡無間
王業建歲貢生砥行立名非公不至舉鄉飲大賓子式
祐庠生舉介賓次子式烈歲貢生皆有父風

楊晉 石明里人急公
好義善解人紛 崔璞 邑人耆老
樂善不倦

衛介 大學生候銓州
同知慈祥周恤 衛成武 桂林坊人
敦本樂施

衛璞 歲貢生豪
俠好義 高蓬山 庠生孝友真誠
畊養親潔滌無缺

張紱 仇池里人孝友
慈祥好善樂施 王鳳徵 庠生仗義好
施若將不及

王庠 培植本支樂育
人才鄉黨矜式 衛樹譽 庠生孝友文
章士林推重

李朝棟

學有淵源家惟孝友舉鄉飲介賓

王廷詩

上舍生孝友傳家世有令名

李逢源

裋躬孝弟培植後生時復歌咏不輟

王作極

郡庠生負未橫經

楊楚齡

行誼篤實孝友克家母張氏亦賢孝前令給扁獎之

高大爵

字思寰孝友性成年八十八歲乾隆元年恩賞八品頂戴

高寧遠

廩生硯畊養親閭里賢之

張居中

紱之子撫卹孤寒周急解紛

以上十八人邑志不著事實故彙列於後

文苑

明

高濟美萬厯乙卯副貢德優學富士林翹楚數竒不偶

直隸霍州志

卷二十三

文苑中

二十二

時人惜之

董朝相襟懷澹若耽吟咏著有澹齋錄行世萬厯間以

恩貢官臨清州訓導

國朝

劉昇祚舉人博學宏才為遼州學正士服其教

衛鄖善屬文數困名場中丙戌副車入太學

王繩祖廩生顯圖子恬澹無營好學不倦呂氏別紀稱

其學窺宛委賦擬長楊

王萬年以五經登第官長治教諭士服其教

張寅樞歲貢生與王萬年閩襄泰號爲邑中三儒官懷
仁訓導

續嘉謨歲貢生端方正直文章不趨時俗年八十卒

衛鳳池邑庠生博涉經史氣度靜深

湯元龍邑庠生世德相承文心獨秀

郭靖邦邑庠生工書法長詩歌著有槐蔭詩草

李呈香由選拔任商邱主簿善詩賦工文章

張允中庠生品行端方好讀書文章入古有子八人皆
令器

直隸霍州志

卷二十三

文苑
中

二十二

衛境歲貢生景瑗之父文章嗜古孝友克敦舉鄉飲介
賓

劉澤溥文品兼優子爲棟亦庠之雋也

劉高第齋廩生文章古雅如其爲人年七十餘猶手不

釋卷

申中瑾庠生躬行實踐恪守典型

閩襄泰趙州先生子廩生有文名工書法

賈王翰哀衣中之樸而文者多技能工書畫

賈漢勳庠生入太學人品清雅善書工隸

賈翰翼歲貢文行兼優時人共仰

申度歲貢生敦品能文東武翰林蘇公每惜其數奇事
繼母克孝家庭間斤斤守禮不踰尺寸子中一庠生
亦有父風

申中嘉歲貢生德優學富生平手不釋卷邑人以道學
推之

李實恩貢生文品醇雅敦本力行壽八十五士林仰之
王夢熊舉人文有古藻學不趨時主講書院士服其教
申世昌貢生博涉經史孝友儀型

直隸霍州志

卷二十三

文苑
中

二十四

王諮庠生孜孜力學至老不衰

衛鈞歲貢生文醇品潔葺學宮修尊經閣殫厥心焉

隱逸

金

段恩隱居南步里草舍三間鄉里莫睹其面敦武校尉
仇絃知其賢爲撰遠塵庵碑記

李壽 申望 立菴於永樂村遂偕隱焉

國朝

高旌說貢生選興縣訓導辭不赴肆志烟霞吟咏自適

年八十餘卒

方技

元

田忠良字正卿僑中山通儒家雜家嘗識太保劉秉忠於微時秉忠薦之世祖視其狀貌曰是雖以陰陽家進必將爲國用俄指西序第二人曰彼手中握何物曰雞卵視之果然又曰朕有事縈心曰當是一名僧病耳上曰然國師也試星厯遁甲諸書諸生皆罕及詔授太史上曰朕用兵襄樊累年不決對曰在酉年

直隸霍州志

卷二十三

方技
中

二十五

至元十一年元帥阿里海牙請益兵十萬渡江上密問曰汝試筮之濟否曰濟上御幄殿曰今拜一大將取江南朕心已定果何人忠良環視左右目一人曰是偉丈夫可屬大事上笑曰此伯顏也七月十五日夜白氣貫三臺曰三公其亡乎尋劉秉忠卒上獵御林駐輦曰朕有所遺曰其數珠乎明日二十里外當有持之來獻者已而果然上問南征將士能渡江否曰明年正月當奏捷至期果取鄂州上嘗違和曰聖體行自安矣上賜金五百兩與丞相和禮霍孫視山

陵俄叛兵圍三匝忠良引衆夜歸敵殊不覺上賜黃金千兩皇子征海都命致禱曰毋庸皇子未年當返後果然駕駐龍興北奏曰宿衛士日食一瓜豈能充饑上俾均其食汴梁河清三百里上曰憲宗生河清朕生又清今河清何耶曰應在皇太子命爲太常丞少府爲諸王童昌建宅於太廟南忠良仆其柱曰太廟前豈諸王建宅所耶又曰太廟前無馳道非禮也卽敕闢道或請太廟不用牲忠良曰梁武帝用麪爲犧牲後何如耶武宗初進司徒皇慶初卒封趙國公

直隸霍州志

卷二十三

方技中

二十六

諡忠獻

國朝

李九鼎邑庠生寄術於醫無貴賤貧富皆赴之年八十餘歲

衛可久邑庠生居桂林坊志在濟人儒而醫隱前令江公褒懿行焉

仙釋

唐

張惠明結廬中條山遇混元子授以道術代宗詔入便

殿致醮有感封如濟大師尋尸解於西岳
智興修行終南山後棲中條山大通嶺聚徒說法睿宗
三召不至乃截其舌以進命焚之化爲金舌夜哦經
如故賜號金舌和尚
龍眠僧云從綿山方丈來棲廣勝寺晝夜誦經掩卷則
畫天龍八部像筆法似李龍眠

金

郭元長七歲禮道士郭貞長爲師年十八歲居黃冠首
禱雨獲應充提點太極宮元靜大師紫服圭璋自知

直隸霍州志

卷二十三

仙釋中

二十七

死期壽七十二有祠

元

姜善信隱碧霞洞元師南下召問之爲陳仁義之舉言
事多中詔封靖應真人敕李槃撰道行碑

郭逢吉羅雲里人家無一犁地與鄰封爭水利甚力臨
終有人見踏汾波上冉冉從羅雲山去邑人感其德
立廟配水神祀之

休糧菩薩

喝石道人

洪崖仙

俱見寺觀

靈石縣

賢哲

周

介之推晉臣公子重耳出亡相從十九年重耳得國賞從亡者推不言祿祿亦弗及遂與其母隱去文公求之不獲聞其入綿上山中於是環土而封之曰以志

吾過且旌善人

詳具左傳

按之推事以左傳所紀爲正他如龍虵有歌思烟有臺以及東海賣扇之荒唐此適以厚誣賢者耳州志

直隸霍州志

卷二十三

賢哲下

一

今概刪之

宋

師範元佑三年進士督岢嵐軍政兼平定岳陽有惠政軍民感慕復督理江南先是民苦賦役乃奏茶爲天地自然之利請稍增其稅旣不病民亦不病國於是民之賦役少息江南人圖像祀之

元

喬世綱至正間進士以親老絕意仕進有司累促之不

赴

明

李威天順壬午領鄉薦初授陝西會寧知縣寬仁明恕
不畏強禦時有宦官貪縱上疏剪除虐焰頓息以治
最調長安當省會繁劇素稱難治一以誠信行之吏
畏民懷禱雨輒應兩邑各有去思碑

裴泰景泰丙子舉於鄉初知博野行政一本慈恕歲凶
諭富民平糶全活者衆修城濬濠民樂趨事陞定州
守值王師西征倉卒料理悉有條貫置旌善紀惡錄
嚴緝盜賊弗格者悉擒捕之四方寧謐時大同缺邊

直隸霍州志

卷二十三

賢哲
下

一一

餉部檄令定民京倉空運卽上議紫荆關直抵大同
較京師轉運甚便請借州倉如數輸運而以未領京
儲准本年秋糧之數免其徵納官民兩便當道躋其
議前在博野請祀二程守中山改正韓魏公祠其雅
重文教類如此入祀定州名宦具詳韓忠定所撰墓
誌

吳珉成化己丑進士性峭直痛父蚤逝事母鄭以孝聞
初官吏部歷主事員外郎中主銓選公慎自矢無敢
干以私巡撫甘肅恩威並濟邊陲晏然轉南京都察

院右副都御史益勵風裁寬嚴得體爲諸侍御倡得
各盡所言憲綱爲之丕振自筮仕至都憲三十餘年
清慎伉直始終不渝當時朝論有清不過韓文直不
過吳珉之語

王寵選貢生性純篤嘗爲親吮疽不侈孝名由恩選初
授大名府通判雍和有度政平訟理厯轉廣西南寧
府橫州知州雲南大理府同知起復廣平同知轉南
陽府知府闖賊至故挫折之罵愈厲遂遇害巡撫馬
旌曰著節名臣

直隸霍州志

卷二十三

賢哲
下

三

宋之雋天啟壬戌進士初授容城縣知縣厯禮部主事
員外郎中事使得體守正不阿崇禎中轉登萊道海
防監軍副使忤巡按謝三賓互訐歸林下甲申闖寇
破城不屈死妻喬氏罵賊撞階而死其女殮屍畢拔
簪刺喉死一門忠烈詳載通志

劉憲邑生員天性朴茂孝行純篤父蚤歿母八十餘雙
目失明正德辛未流寇破城居民逃竄憲獨負母西
涉汾河避難賊欲殺母嚇財憲曰貧士何財之有寧
殺我毋害我母賊不聽刺其母憲以身捍救不支遂

俱被害賊縱火焚在城官民廬舍憲宅巋然獨存人皆異之巡按杜李相繼奏聞賜金助葬仍立石旌其里

張寶歲貢生幼孤家極貧事孀母房氏色養兼至嘗貸米鄰家供母自甘粗糲會母疾藥石弗效刲股爲羹以進疾竟愈官鳳翔訓導蘭州學正母皆迎養後卒於官旅櫬幾不能歸里人痛之知縣李微匾其門曰母貞子孝

劉佩與任守清賀九思俱居冷泉關嘉靖庚寅盜起居

直隸霍州志

卷二十三

賢哲下

四

民逃竄三人倡義率衆捍賊力不支被執並痛罵不屈死事定數日收其屍同葬一區顏色如生撫按並遣官致祭樹忠義士坊於墓前任守清賀九思祀忠義祠劉佩與祀鄉賢祠

以上十一人從祀鄉賢

宦業

裴繼芳泰子登正德進士授工部都水司主事管閘臨清時宦豎勢焰恣橫至臨清凌轢官吏繼芳盤驗其私船搜獲貨物入之官漕河肅清官民免害復除戶

部管糧通州門無私謁運官宿弊一時剗革殆盡廉
謹之聲著聞朝野尋以疾乞休優游林下十餘年擺
脫勢利惟怡情於詩酒山水間卒之日囊無餘貲舊
廬僅蔽風雨而已

王者佐萬厯己酉舉人授新樂縣知縣嚴明伉直不避
權勢陞大興縣風裁益厲民有南陽包老之謠新樂
縣刻有實政詩詞於石

王之楨崇禎戊辰進士授夏津知縣厯工部主事兵部
郎中轉霸州兵備道陞山永監軍道所至有聲

直隸霍州志

卷二十三

宦業

五

張達鄉貢生知直隸望都縣開荒地千餘畝民食其惠
既去邑爲立生祠後調宛平鋤奸安善直聲著聞

裴紹芳宏治末知伏羌縣寬猛克濟愷悌作人

王之棟武舉之楨弟也爲都司因救兄死於難事實不
詳

梁之孟武進士平型關守備拒賊陣亡

國朝

王之度天啟丁卯舉於鄉闖賊逼仕死守不出其母牛
氏自二十五歲孀居訓以節義當兵劫之際猶戒曰

毋辱親負國 國初授鄖陽府通判有惠政乞歸終
養巡按旌曰母貞子烈撫院旌曰介節垂芳祀忠孝
祠

韓進初任開歸鎮遊擊智勇過人所向無敵陞老營所
叅將調甘肅陝西鎮番叅將終廣東雷州協副將
何思祥與子起蛟騰蛟皆驍勇姜逆之亂山賊亟誘入
黨堅拒不從尋爲賊擒罵不絕口賊磔之

何道深以武進士授侍衛陞貴州提標右營遊擊乾隆
三十三年隨明公將軍征緬甸由二龍山取木邦抵

錫箔渡天生橋攻蠻結賊死守身冒矢石攀柵拔城
公將軍叅贊紀軍功第一奉令撤兵時與李總兵殿
護大兵至邪猓遇賊力戰火鎗中額嗣隨公將軍進
攻猛域被因爲十二營前鋒自平明戰至日中身被
重創陣亡事聞奉

旨贈加一級遣官致祭入祀昭忠祠

恩賞卹銀四百兩葬銀三百兩蔭一子膺綬守備世襲恩
騎尉祀忠孝祠

王如玉號嵐溪幼嗣季父丹崖性穎悟喜吟咏著有嵐

溪詩鈔由貢生以道員注籍任貴州貴西道兼署臬
篆讞獄平允尋以親老歸養起復發四川委用適金
川逆酋作亂大憲以其才揀發從征分三路會降番
內叛官寨被陷南北軍堅壘守禦勢不能分援賊衆
紛至度不能支援劍躍馬連殺數人遂歿於陣事聞
奉

旨贈太僕寺卿入祀昭忠祠

賜祭葬

恩賞卹銀三百五十兩葬銀三百兩蔭一子榮啓田陝西

直隸霍州志

卷二十三

宦業
下

七

山陽縣歷任甘肅寧夏道世襲恩騎尉祀忠孝祠

梁景鸞由內閣中書推陞桂林同知明察善斷時猛人

有謀倡亂者公諭以禍福縛渠魁數人誅之合郡以

安後乞養歸修祠建橋息事周急鄉里德之表其門

曰六行克敦

篤行

明

田時雨歲貢生授榆次訓導陞永壽教諭未任而歸安

貧樂道敦睦親族訓子有方鄉人稱之

閻思學好施予樂義急公萬厯間歲饑斗米三錢輸穀五百石賑荒建坊旌門逾年大旱禱雨術士索銀三百兩急如數付之術士曰世有此人雨將至矣語畢術士倏不見遂一雨三日邑令趙贈聯於門曰賑民願出粟一點仁心關萬命禱雨樂施金滿腔德意動九天邑令楊贊曰誠哉君子允矣賢人祥麟瑞鳳王國之楨祀孝義祠

梁杞家業頗殷好義急公萬厯間邑大饑僅留終歲之用罄囊賑濟授義官祀孝義祠

直隸霍州志

卷二十三

篤行
下

八

梁儀鳳字應詔居夏門業農起家慷慨好義勤儉自奉常以所積濟人之急萬厯三十八年邑大饑僅留終歲之用其餘盡輸賑救一時負戴其門者如趨市周月乃已當事咸義之聞於上授義官是時巡撫魏巡按劉同旌曰尙義邑侯馬旌曰德繼三槐學師梁旌曰惇義彈冠祀孝義祠

梁維屏邑生員當明季寇警集衆捍衛獨出已貲築堡於北嶺上寇不爲害又夏門村多石田常苦旱災維屏慨出百金鑿石穿渠引汾水以灌田其弟國楨天

篤各捐金供給工資閱四旬告竣計灌田二百餘畝
並稟縣勒石平陽府志所謂夏門石渠是也

李曉事親篤孝母病危醫藥不效剗左臂肉熟進之病
尋愈既而父病更篤復剗右臂肉以進父亦得無恙
成化間有司上其事祀忠孝祠

閻思義性篤孝甫二歲喪父其母楊氏守志撫育成人
痛父蚤亡事母極孝侍疾不離左右湯藥必親嘗母
病久不痊乃剗左股肉煎湯進之頓愈及母卒廬墓
三年寒暑無間知縣稍騰漢申請旌表祀忠孝祠

直隸霍州志

卷二十三

篤行
下

九

曹自強邑廩生行已克端事親盡孝丁母憂廬墓三年
悲哀如一日知縣何錦給匾旌之以毀卒祀忠孝祠
關朝臣自幼以孝聞母疾躬親嘗藥剗左臂肉煮羹以
進母尋愈父任青州倉副使未抵任而卒朝臣晝扶
柩行夜倚柩泣歸家以禮終葬祀忠孝祠

張諤縣學生與弟詔誥皆以孝友稱事父母備盡誠敬
雖小疾必籲天願以身代父廷芳左股病癰醫鍼之
血漬命垂頃刻兄弟相繼吮咂父瘡頓愈迨親卒泣
血茹素三年如一日嘉靖壬寅遇邊警兄弟相攜渡

汾避難河無舟惟一木函諤趣弟詔誥先渡甫畢賊已逼近諤投入河中流湍急忽遇淺灘得不死人以爲友誼所感知縣吳府上其事旌之同祀忠孝祠

王立賢天性純謹以孝友聞生母趙蚤亡事繼母董如所生母病嘗藥父病禱以身代及父歿昏絕數次尋築廬墓側旦夕焚香泣血歷三年如一日後以哀痛成疾卒於廬次知縣馬推官王皆給匾旌之知府匾其門曰西河孝子祀忠孝祠

翟公佑省祭官與弟公忠友愛深篤嘉靖壬寅寇至兄

直隸霍州志

卷二十三

篤行
下

十

弟倉卒不及備猝與寇遇佑趣弟急走願自當其患忠曰兄在請與共死遂俱被執兄弟爭代死賊不聽皆殺之有司申其事提學廖移檄旌之有手足恩重患難不離處變不渝天倫壯節有裨風化等語仍樹坊於其門同祀忠孝祠

王煌之楨子崇禎間廩生博涉經史時學使目爲千里駒遭闖賊之難聞父與叔皆被害墜樓死

張得功舉里正辦公廉能闔里贈匾曰里服公勤

國朝

劉强事父以孝聞家甚貧父病割股救親邑令楊給匾
旌之曰庸行超羣祀忠孝祠

張星燦與弟星燦事親俱以孝稱母甘茹素燦燦以斷
絕葷酒母歿三年始食肉兄弟同爨終其身

王湛初性純孝事繼母曲盡孝養家貧歲歉甘旨不缺
於供母卒哀毀骨立其弟經營北直負債鬻子湛初
尋得其處贖之富翁亦爲感動不取一錢云祀忠孝
祠

曹爾仁父蚤喪母久病牀榻仁朝夕奉侍無少懈母歿

直隸霍州志

卷二十三

篤行
下

十一

廬墓三年撫幼弟解衣推食值歲凶與其弟爾信爾
禮蠲賑並開曹家嶺河鄉人表之曰一門三義

牛希顏與弟宗顏俱庠生三世同居始終無間言同祀
忠孝祠

王于庭監生撫姪寅德崇德無異己子

王璽性孝友少失恃父三娶繼妻皆委曲承順父歿率
二弟事繼母亦無少懈兄弟同爨數十載門庭藹然
曹魁英監生幼孤事母如嚴父有教訓輒跪聽侍母病
親嘗湯藥及母歿哀毀盡禮苦次三年不入私室事

叔如父叔無嗣以子繼之孝義無忝祀忠孝祠

王風美吏員家貧負薪米孝養父母父歿三日不飲食
事繼母如所生兄子死他鄉遠涉扶柩歸安葬鄉黨
稱其義祀忠孝祠

王夢鵬號六翮優生性仁孝幼以昭穆序出繼胞叔色
養備至會父染疫症侍湯藥不離左右禱神願以身
代時村中歿於疫者頗多惟其父獲愈合家無恙咸
以爲誠孝所感母翟氏歿哀毀骨立旣而父歿乃築
廬墓旁朝夕哭泣人共稱爲王孝子設義學建義塚
直隸霍州志

卷二十三

篤行
下

十一

修橋梁歲歉出金賑濟合村賴以保聚乾隆四十五
年詳准入祀孝義祠

楊士藩貢生幼有至性嬉戲時卽定省其親無異成人
聞父在天津抱病跋涉趨至延醫嘗藥奉侍備至父
卒昏絕數次水漿不入口扶柩歸葬曲盡禮制有地
數畝見村中有停柩不能葬者慨然舍之以爲義塚
鄉人感之乾隆間入祀孝義祠

程範監生子年次子出繼胞伯子莊父蚤歿家貧力田
奉養孀母曲盡誠敬里紳王君高其行念其苦也出

貲勸其服賈範以侍母辭王君令資之以就近養親及母以壽卒終喪成禮哀毀骨立其事本生父母始終如一待兄姪皆有恩鄉黨深仰其孝比其卒也額其門曰孝友可風其子孫世守家法皆能自立至曾孫體常登癸丑科進士官至禮部郎中人咸以爲孝行之報云

梁特瑜少孤事母朝夕不離側母病親侍湯藥衣被污垢必親自浣濯迨母歿哀毀骨立三年未嘗見齒生平多藝工詩

直隸霍州志

卷二十三

篤行
下

十二

薛宣家貧有孝行父存朝繼堂叔存枝爲嗣奉侍唯謹父歿盡禮盡哀傭工事母能先意承志母疾朝夕不離左右及母歿哭泣之聲感動閭里聞者莫不下淚劉敬性孝友親歿設主三年不離側又善事繼母事兄如父曾以千金分其姊以美宅讓其兄與弟皆人所難能者尤好讀書立義學以訓育後進其子青選亦克繼父志上憲聞之給匾曰孝友可風

曹奎性純篤會父病噎膈醫云得親人肉可療乃自割左股託辭進之親病獲痊後奎卒張孝廉爲作墓表

稱其三大節而以此事爲首

祁孔有少失怙恃事繼母燕氏至孝初業儒以母多病乃棄儒習醫親調湯藥數十年無倦容後燕氏以壽終得調治力也又曲體母意贍諸姪孫人咸稱之

張元甲博學好古不事舉業凡小學近思錄經書史鑑性理諸編無不窮究根柢身體力行室如懸磬恬然樂之親喪恪遵禮制三年不入私室

趙克類歲貢生恬靜好學不事奔競孝友睦族撫姪若子時號爲靄靄君子

直隸霍州志

卷二十三

篤行
下

十四

楊起麟舉鄉耆天性仁恕慷慨有大節敦本力田分餘濟困嘗讀陳君輔義田記便以古人自期許曾割田分金以資從弟姪等撫養成名置義田若干畝以贍族人又出金取息以資族中老穉貧乏昏葬諸費擇族中賢明者掌之母族何氏亦爲捐金營息及里中徭役縣中遞應官車各有裁制約費千緡知縣狄旌曰巖谷德叟孟旌曰尚義功高徐旌曰德重鄉評祀孝義祠

閩西來本性劉名旺子閩民載之義男也民載夫婦相

繼病死有子二人長五歲次三歲舅氏姑母各攜其一以去旺子向姑舅家哭請其孤不得枕門長號三日負之而歸躬自賣炭以贍二孤衣食比壯爲成家室

梁天成庠生好周急出貲代族人納差糧者幾二十年
兄天錫天藝亦有義聲

王斗星生員大紀孫也少事詩書能識大義元至元二年鄉民南塘等曾建文廟於里中屢壞屢修皆積鄉村之財力爲之厯明季至今傾圮益甚斗星遂以修復爲已任捐金獨力重修廟制一新縣官侯旌曰義舉可嘉訓導孫旌曰功在尼山

王興旺舉鄉耆性仁恕好義樂施康熙八年本戶輪當見年民力貧苦不能支興旺輸金爲應役者代耕之資又捐金重修后土祠繼其祖創建之志縣官匾其門曰尙義祀孝義祠

王寅德監生村西堡塌毀捐金修築爲衆人倡

王佐才生員柏溝村建立義學置立學田二十畝爲薪水資靜昇村東溝時遭暴雨斷絕往來出資修爲通

濟橋

曹潤白與弟滋白輸金置義田闔族沾惠

吳業增生受任姓之托撫育其孤毀張氏之卷保全其

節

裴承晉施金爲本族徭役之費

李節崇王大顏俱慷慨急公素有義氣仁義驛舊列汾

西岳陽浮山三縣應馬明季寢廢遺累本縣二人力

請於當事得復舊規闔鄉德之祀孝義祠

王麟趾邑庠生康熙六十年學宮圯於水獨力修葺又

直隸霍州志

卷二十三

篤行
下

十六

靜昇村南田千畝無渠灌溉捐貲置地二十畝蓄水

通渠至今闔鄉同享水利

吳立業康熙年間饑饉薦臻出粟捐金全活甚衆邑人

共立戴德碑在坡底鎮道傍邑廩生王涵初撰文

王生炯端方仁厚濟困扶危每出資代營族里間婚葬

歲歉賑饑凡數次里人共爲勒石且修橋梁道路雖

霍界隣境不惜捐資以成其事年七十生子如琨官

糧馬通判九十抱孫臣敬官長蘆運同咸以爲陰德

之報

梁曰標康熙庚子歲饑出粟賑濟西鄉十數村又分籽種鄉人公製屏以旌之

陳子壯世居蒜峪以村西人烟稀少建茶亭以便行人知縣王額曰福田多潤復捐三百金每歲生息以爲戶中公費歲歉出粟賑濟隆冬施棉衣貧而病者贈以藥餌歿不能斂者施以棺木後其季子葆光爲登州府知府贈如其官

梁樞字斗文居鄉端謹任繁峙縣教諭訓士有方捐俸倡修文廟增置祭器樂器重刻司馬文正公稽古錄

直隸霍州志

卷二十三

篤行
下

十七

行世所著有瘦吟草詩二卷秘枕編文一卷

梁謙居夏門康熙庚子歲饑出貲三百金賑貧每歲施棉衣復在秦王嶺建茶亭一所以便往來憩息

郝宏智於河洲之東捐貲千金建廟一所外建茶亭以濟行人又置義田二十畝爲香火茶水之貲厥後其子善嗣孫汝昌相繼修葺並立碑記

閻子睿字作聖見義必爲凡鄉中建廟修橋身爲衆倡性狷介其岳父曾以千金贈堅辭不受又曾畜一驢售與村人至晚忽斃村人來告卽以原價給還皆人

所難能者鄉人爲勒路碑以記之

吳芳齡號敬一念本戶中貧苦於雍正壬子捐金一百兩生息半爲餘貲半爲公費今永爲戶中資用公立永思碑以記之

張由義典地修祠出粟濟困人有負欠無力還者取券焚之又捐貲修闔戶墳塋

張集義整理村規提携親戚設立義學凡窮約之家皆得來學至讓產安貧尤能爲人所難能者

房國光居臨汾水造舟梁以濟往來捐貲粟以周貧乏

直隸霍州志

卷二十三

篤行
下

十八

又友愛幼弟終身不分爨片紙不入公門爲鄉里所稱

梁元杰字以仁事兄如父待姪如子嘗侍兄病尤竭心力臨卒將衆人負欠千數百金取券焚之

張佩幼失怙事孀母以家貧貿易直隸聞母失明棄商歸養後家頗裕建橋修路輸金賑貧又設義塚二所以待村中之貧無葬地者

張獻萬性樸厚乾隆年間倡修縣南軟橋人不病涉橋西十餘里石路巉巖行者股栗獻萬毅然捐貲獨力

修整至今道路坦平知縣虞奕綬爲文以紀其事見
藝文志

梁煥居夏門設渡船於古峪後子二攤費三百餘金又
易舟爲梁秋成夏毀行人稱便至今尚存鄉人爲立
濟涉碑

梁彩山乾隆乙卯歲饑捐賑五百金己亥己酉復賑如
初又分給籽種於姚家山夏門村西設義塚一處又
捐百金置小甲以免更代之苦

張攀月官祁縣教諭少孤力學曾輯先人學行見聞錄

直隸霍州志

卷二十三

篤行
下

十九

每展讀輒爲流涕自奉淡泊事諸兄甚謹每年以俸
之半分贍諸兄在祁任獎訓士子增修學宮祁人至
今頌之

王中立出貲三百金交戶中生息爲族中士子鄉會試
之費以鼓勵士氣

王中行性淳質乾隆四十八年捐修文昌閣五十三年
修學宮修會文館彩畫魁星閣及卒闔學誄之

王立極曾於本村之西獨建橋梁以濟往來闔村感之
後其子孫屢次修築嘉慶三年其仍孫久成又慨出

二百六十餘金修爲石墩遂成坦途

王奮志因父麟趾置馬頭渠水地二十畝修池築堤引水澆村南田地千畝乾隆四年奮志復置地三畝地內出產爲池地納糧之用又捐資建石橋一孔以便行人曾孫瑤相繼補葺克承先志

房福淵性友愛兄弟讓產曾出貲以資族中貧戶又出貲四百金以補里倉至於修廟修路扶危周急不一而足鄉黨重之

陳思賢號秀邨子壯子也性友愛撫弟姪成立尤樂義

直隸霍州志

卷二十三

篤行
下

二十

舉上村至馬和村計二十里許山徑畝仄創議率弟姪各捐貲助修遂成坦途每歲歉出粟按丁給予待舉火者二十一村至建祠修橋凡宗族媼黨之間咸被實惠焉

陳葆光少孤力學志氣廓然援例選授登州府知府以興學課農爲務斷結大獄時論重之歷臨江甘州蘭州府陞湖南鹽法長寶道所至有聲尤善事兄嫂待親朋情意周浹工詩不事雕飾著有芝田吟稿十卷張元升家貧業儒念村中地千餘畝無由灌漑遂以開

渠爲已任渠成水利大興德廕同社闔村仰之其子
銘又復修補村中因爭道涉訟復割已地以息訟端
知州給匾曰德鄰義路

曹懷義字樸園少孤事繼母克盡孝養平生勇於爲善
凡戚里中生無以給死無以殮及不能嫁娶者必量
力周之尤樂排解里有口舌興訟者得一言無不斂
手退其公正足以服人如此子三季誦清爲直隸廣
昌令孫文梓文棣皆成名

張純仁字希范幼好學品行端方食餼後家居授徒以

直隸霍州志

卷二十三

篤行
下

二十一

躬行實踐爲教故入其門者皆恂恂有規矩其父愼
齋嘗督修后土祠不憚勞瘁乾隆三十八年鄉人爲
立父子德教碑以誌美焉

張說幼失怙恃撫二弟恩意肫摯尤好義舉捐修石橋
二座以通糧道又倡建文昌閣以補邑東南風氣立
有碑記

梁淑字元翁性樸厚事父母無倦容胞弟幼喪明保持
備至篤於族黨多所施予人有忿爭者欲質之輒望
廬而返人以盛德稱之

張炯性淳質蚤喪父母有五服內伯母孀母二人家貧無後炯皆母事之閱數十年並送其終焉村人送匾曰孝義可嘉

梁樂善字同人事父恪遵庭訓父歿居喪盡禮兄老年喪子與弟好善謹事之尤好讀書見子弟有造者鬻產以助之居鄉排難解紛長厚之聲溢於閭里申國佐號靜軒恩貢生性純篤父有風疾嘗受杖不敢避友兄弟敦族誼家寒以教讀餬口誘掖後進賴其培植者數十人

直隸霍州志

卷二十三

篤行
下

二十一

王執璠太學生閩縣尉祀忠義祠風美曾孫父廷璋篤於倫紀執璠克承先志待伯叔父母如父在時一門羣從及中表親戚營婚助葬家不中貲而推解無倦生平氣節稜然與人交忠厚謙讓從無忤容子會極道光元年舉於鄉

梁繪章字子雲少失恃事庶母張如生母尤樂施予乙丑歲饑倡諸姪出貲賑濟費千金者二次至於開渠修道建宗祠鄉人賢之工詩著有慵岩集子中輿癸酉舉於鄉

曹珩字楚石嘗念戶中貧苦慨出百金取息以紓其力
乾隆年間汾漲決堤首倡修築以捍城垣至於修廟
建橋平道路及族黨中之貧不能舉火者無不量爲
施與

趙晉臣性純篤族中多貧戶慨出百金其伯父趙健亦
出二百金施在戶中每年餘息以應丁役闔族賴之
爲勒石以紀其德

趙晉裔於乾隆年間遭歲歉慨出二百金買米濟貧全
活甚衆其子永言又繼父志修築安濟橋行人便之

直隸霍州志

卷二十三

篤行
下

二十二

楊涵官工部員外郎以汾水逼近村庄數遭水患於乾
隆四十一年與其弟溪出貲四百金築堰一百數十
丈村中地畝不至受害又捐貲修西鄉山路以便行
旅念戶中貧苦捐貲五百金以紓其力

裴褒侍父病甚謹父歿善事繼母躬持家務命諸弟讀
書和睦鄉里乾隆己酉歲饑慨出貲賑給貧戶倡修
永濟橋以繼先志至闔里有忿爭事每藉排解人咸
以正直稱

張鴻猷性純篤好讀書手不釋卷父蚤歿事母左右服

勤撫孤姪教誨靡倦又睦鄉族分餘濟困設義塾躬自教讀不計束修故村中多所成就云

王輿來念村中小河橋爲耕種要道年久傾圯行人苦之遺命其子迪彝捐二百金改修之

梁繪星號毅齋居夏門世多隱德父母歿事繼母閤惟謹撫諸弟姪成立性明決好義舉人有急難不惜財力以濟之嘗手錄前言往行刻於壁以警子孫子中靖中孚皆登巍科人以爲貽穀之效云

梁中簡孝友性成父歿哀痛嘔血水漿不入口者累日

直隸霍州志

卷二十三

篤行下

二十四

撫仲弟愛護肫摯又喜施予族黨有婚葬事無力者必周助之人有急難往返奔救或遇歲歉捐貲分賑及卒閭里表其門曰天真渾璞

程體常品學端正少孤事母至孝與其兄履常友愛甚篤時有難兄難弟之稱乾隆癸丑成進士授禮部主事轉本部郎中以母老歸養家居恬然以敦實行獎勵後進爲務學者奉爲儒宗

陳德溥字滙川乾隆庚子舉人援例選授廣東肇羅道正已率屬積弊肅清後調甘肅鞏泰階道以肇屬失

察被議因念母老遂歸養不出家居念里中貧乏周恤亦非長策於是做義田法出貲生息以備無力婚葬者復捐貲建義學二所

張玫廩貢生兄弟三人兄歿遺嫂與姪養贍其家代還積欠又撫弟成立設家塾訓誨子姪有來學者不受束修如是者十餘年以壽終

房安北易里六甲人先世施藥療病安繼世奉行至老不倦臨終遺命子廷桂出粟濟貧賴以舉火者六十餘家縣令陶給孝友任恤匾旌之

直隸霍州志

卷二十三

篤行
下

二十五

王來詔邑庠生侍親病昕夕無倦容善事繼母人無間言尤好施予嘉慶十一年歲饑賑濟梁家庄粟盡又出百金糴米分給至夏麥熟方止鄉人德之

吳體觀字文山幼勤學善論文友愛兄弟訓督子姪暨不不倦里有喪葬常典衣資助及晚年家益落有勸之者曰吾豈以貧改行哉及卒親族俱送匾嘉之

王中極號約軒六翮季子先是六翮設義學立義塚治橋梁焚券寬逋施金賑乏約軒克承父志復捐金添建義學房屋二十三間延師以訓無力子弟原義塚

六畝再買六畝以廣之村東舊有石橋力爲重修至
於修澗水橋平後悔溝百餘里之路至今遂成坦途
陳德澇號雲濤幼有至性孝友克敦居恒自奉儉約凡
一切修葺橋路諸善舉無一不樂行之嘉慶丙寅歲
饑輸穀二千石棉衣三百領賴以存活者甚衆後援
例任湖南平江令下車卽捐廉修復昌曲書院修輯
平江縣志復於署東建房一區以棲軍役未期年卒
於任士民遮道設祭哭失聲

王如琨順天糧馬通判性慷慨喜施予平定州監生張

直隸霍州志

卷二十三

篤行
下

二十六

鉞募修南天門等處山道琨輸銀一千兩使百餘里
崎嶇道路一律坦平道光四年奉

旨建坊旌表

梁元燾號桐峯于淇之孫也事親以孝稱居喪哀毀祭
葬以禮邑西永濟橋圯慨輸白金五百首倡修理夏
門村至文殊原二十餘里山路崎嶇獨出貲買路旁
地增修平廣約費千金又輸百金村中貸息作歲修
費復於山路適中之地設茶房以濟行人買地以爲
義塚又捐三百金貸息爲貧戶備丁役遇歲歉仍竭

力周恤焉

耿養善宅心仁厚家無餘貲而行善不倦嘉慶丙寅饑捐四百金糴米賑濟活人甚衆庚申復捐貲倡建安濟橋邑人旌其閭曰德孚鄉里

祁霖充性行淳篤父患痰疾防其傾跌出入必偕疾甚溲溺皆爲護持十餘年如一日居恒言笑不苟接人則極和厚凡鄉族之貧者必密爲調濟遇歲稍歉卽竭力賑恤至於修葺橋路首倡捐輸計踰萬金嘉慶庚申復輸川楚餉三千五百金議叙通判職銜

直隸霍州志

卷二十三

篤行
下

二十七

祁霖興幼孤事孀母以孝聞伯氏仲氏久病委曲周至奉之如父戚黨有緩急贍之至再至三無厭心無德色嘗於途中得遺金三百急掩埋之俟其人至察所語相符而還之又嘗省工墳塋大雨遇少婦溺溝中呼傭者拯之時日暮溪漲詢所往尙隔數里因安置塋屋外施鍵鑄自坐檐下達旦後卽其處建茶亭以憇行人焉

閻俊彥賦性淳樸好善樂施於村中設義學延師以教貧民乾隆己酉歲饑慨輸白金二百糴米拯急鄉人

德之

雷澤周於乾隆五十四年捐銀三百兩于索洲灣製造
渡船以便行旅至今無病涉焉

雷舒于嘉慶二十五年捐銀二百五十兩修理馬家嶺
道路人甚便之

直隸霍州志

卷二十三

下 篤行

二十八

捐賑姓氏附

明

劉英

正統六年輸穀一千五百石
奉旨建坊旌表祀忠孝祠

蔡友福

景泰癸酉助邊穀一
千石授七品散官

張芝

嘉靖間納銀一百
兩授七品散官

國朝

康熙年

梁日標

捐米一百石

梁謙

捐銀三百兩

田進興

捐銀二百兩

方來

捐銀一千兩

直隸霍州志

卷二十三

篤行

二十九

王喜

捐銀一百四十兩

乾隆年

王如璣

捐銀一百兩

陳思賢

捐銀一百兩

趙晉臣

捐銀一百兩

趙晉裔

捐銀二百兩

趙健

捐銀二百兩

田育行

捐銀三百兩

梁可珍

捐銀三百兩

耿光煥

捐銀一百二十兩

韓雲錦

捐銀一百四十兩

吳思義

捐銀三百六十兩

何廷璋

捐銀二百五十兩

田文

捐銀一百五十兩

裴褒

捐銀一百六十兩

嚴維篤

捐穀八十石

方寧一 捐石穀一

田之恭 捐兩銀三

雷澤周 捐米銀四百兩又六十石

翟雲錦 捐兩銀一

翟登青 捐兩銀三

梁淑 捐十銀一百

梁炯 捐兩銀一

梁模 捐兩銀一

梁樞 捐十銀一百

梁稅 捐十銀一百

梁宅魏 捐十銀一百

梁宏魏 捐十銀一百

梁理魏 捐兩銀一

梁繪錦 捐十銀一百

梁彩山 捐五百兩

梁仰鸞 捐五百兩

梁自在 捐兩銀一

梁積善 捐兩銀一

直隸霍州志

卷二十三

篤行

三十

梁元燾 捐兩銀一

梁元熳 捐兩銀一

梁嵩山 捐銀一百兩助義倉

梁學洙 捐兩銀一

梁繪章 捐五百兩

祁廷用 捐兩銀三

梁中杰 捐五十兩

王中堂 捐兩銀一

王世泰 捐兩銀三

王生炯 捐兩銀四

祁霖雨 捐三百兩

王中輝 捐兩銀四

祁霖充 捐二百兩

王中行 捐十銀二百

王汝梅 捐五十兩

王汝為 捐五十兩

王如琨 捐二百五十兩

王中極 捐二十四兩

楊溪 二次捐銀七百兩又

王錫穀 二次捐銀五百兩
王炳文 二次捐銀二百五十兩

張作肅 百兩
王世光 十兩

楊安國 三十兩
王中立 五十兩

嚴維煥 捐銀六十石又
王賡雅 五十兩

閻偉彥 十石
王文山 二百兩

房龍章 六十兩
王德著 百兩

陳愛 兩捐銀一百二十石
何清 百兩

梁倬 百二次捐銀四十兩
郭志達 十石

直隸霍州志 卷二十三 篤行 下 三十一

温而毅 十石

嘉慶年

梁之温 一十兩
田登 三十兩

李旭輝 百兩
吳克明 百兩

翟廷檜 百兩
耿養善 百兩

雷倬雲 三十兩
雷舒 三十兩

雷豐 四十兩
劉克寧 二十兩

田霽 百兩
何巨楫 三十兩

王師顥 八十兩
劉學書 二十兩

房廷桂 捐十銀兩二百

陳應昌 捐十銀兩二百

嚴在中 捐百兩銀三

裴來章 捐四兩銀一百

梁錦雲 捐捐米銀八十兩又

梁登雲 捐二兩銀一百

王世輔 捐百兩銀四

梁作成 捐二兩銀一百

燕君重 捐百兩銀二

方揆一 捐百兩銀三

王來詔 捐捐米銀三十兩

溫周禮 捐四兩銀一百

梁塘 捐百兩銀二

梁中和 捐三兩銀一百

梁培 捐百兩銀一

梁中直 捐二兩銀一百

梁椿齡 捐五兩銀二百

梁中慤 捐五兩銀二百

直隸霍州志

卷二十三

篤行

三十二

梁中靖 捐五兩銀二百

梁象震 捐五兩銀二百

梁中典 捐五兩銀二百

閻生成 捐十石穀四

王汝聰 捐千五百兩生息贍族

梁象瑚 捐五兩銀二百

耿瑚 捐二兩銀八兩

薛文基 捐百兩銀二

韓製錦 捐四兩銀一百

韓慶晏 捐四兩銀一百

韓學昌 捐八兩銀一百

房步蟾 捐七兩銀二百

王汝明 捐五兩銀一百

陳德溥 捐二兩銀四百

吳浩 捐百兩銀三

陳德潤 捐二兩銀四百

吳宏泰 捐百兩銀二

陳德灃 捐銀四百

趙守懿 捐銀一百

翟鳳翱 捐銀四

王綬來 捐銀三

查臨淵 捐銀一百

温如玉 捐銀一百六十兩又
修橋銀五百兩

王徽彝 捐銀一百

尹述禹 捐銀二

張之威 捐銀二

董文會 捐銀一

任金綬 捐粟三十

尹大任 捐銀二

張洪範 捐銀一百

陳德澂 捐穀二千

按靈石人物志於忠孝之後分善行一目又別立捐

賑姓氏其意可謂嚴矣州志善行亦改歸篤行此捐

直隸霍州志

卷二十三

文苑下

三十二

賑姓氏何莫非善行之人也故附錄於後其梁馮氏

王温氏改詳賢媛

文苑

張翔梧庠生學有根柢操行清潔就塾設教受業其門者皆有成就知名之士凡五十餘人

吳人鳳廩貢生學粹養醇平生以許魯齊為宗教授生徒重器識而後文藝成就甚眾

梁于淇字竹藪博學好古過目成誦凡經史子書無不窮研根柢兼通河洛及岐黃家言平居篤於孝友屏

絕聲華以性真自樂著有竹藪文集二十卷

隱逸

周

介之推

事具賢哲

元

喬世綱

事具賢哲

仙釋

張果不知何代人則天時隱中條修煉往來汾晉間自云年數百歲矣元宗遣徐嶠齎璽書迎之乃至東都

直隸霍州志

卷二十三

仙釋下

三十四

肩輿入宮時邢和璞善算莫知其甲子又師夜光善視鬼視之不見果所在飲以堇三進頽然齒焦縮顧左右取鉄如意擊墮之藏帶中出藥傅之齒已生帝神之欲以玉真宮主降果不奉詔圖形集賢院辭還山擢銀青光祿大夫號通元先生相傳憩清涼山坐化山人葬之如蟬蛻然立祠祀之

金

王道翼東萊人少有絕俗之志隱韓侯嶺四十餘年斷粟食麥通經達意不交世務顯祖遣使徵之翼赴命

仍聽還山守本操令僧曹給衣食焉

元

間雲生隱抱腹岩坐化

梁隆基募庵修煉復捨田四十餘畝入里社久之坐化

國朝

普香和尚碾碾村人住清泉寺淨修二十年圓寂之前

日飲清水數甌一夕異香滿室白氣上升鼻有涕垂

及地經宿變紫金色儼若莊嚴妙相

直隸霍州志

卷二十三

仙釋
下

三十五